

四庫全書

集部

欽定四庫全書

集部

東坡詩集註卷二十二至五

詳校官庶吉士臣謝恭銘

檢討<sub>臣</sub>何思鈞覆勘

總校官進士臣朱鈴

校對官編修臣王垣修

謄錄監生<sub>臣</sub>周世憲

欽定四庫全書

東坡詩集註卷二十二

宋 王十朋 撰

時序

新年五首

巖老紹聖三年先生年六十一在惠州即古白鶴基始營新居故有結茆來此

佳之句

曉雨暗人日

厚荆楚歲時記正月七日謂之人日以陰晴卜豐耗春愁連上元水

生挑菜渚

次公世說范宣後園挑菜傷指

煙濕落梅村小市人歸盡孤

舟鶴踏翻猶堪慰寂寞漁火亂黃昏

北渚集羣鷺新年何所之盡歸喬木寺分占結巢枝生

物會有役

次公江淹雜擬詩問君亦何為百年會有役

謀生各及時何當禁

畢弋

厚莊子畢弋之智多則鳥亂於上矣

看引雪衣兒

海國空自煖春山無限清冰谿紛瘴雨雪茵到江城更

待輕雷發先催凍筍生豐湖有藤菜似可敵蓴羹

厚先生嘗

言豐湖有燕脂藤味滑美大類蓴

小邑浮橋外青山石岸東茶槍燒後有

師顧渚山記團黃茶有一槍兩

旗之號 麥浪水前空萬戶不禁酒三年真識翁結茆來此

住

厚戎昱詩結茅同楚客卜築漢江邊

歲晚有無同

荔子幾時熟花頭今已繁探春先揀樹買夏欲論園居士常攜客參軍許叩門明年更有味懷抱帶諸孫

和子由除夜元日省宿致齋三首

江湖流落豈關天禁省相望亦偶然等是新年未相見

此身應坐不歸田

次公張平子有歸田賦

白髮蒼顏五十三家人遙遣試春衫朝回兩袖天香滿

師杜詩朝罷香煙攜滿袖

頭上銀幡笑阿咸

次公阿咸杜位也甫從子甫於位宅守歲詩守

歲阿咸家銀幡

元日所賜者

當年踏月走東風坐看春闌鏢醉翁

師歐陽永叔自號醉翁

白髮

門生幾人在却將新句調兒童

次韻秦少游王仲至元日立春三首

省事天公厭兩回新年春日併相催慙勤更下山陰雪

要與梅花作伴來

厚退之雪間梅詩先期迎獻歲更伴占茲辰

己卯佳辰壽阿同

子由小字同叔元日己卯渠本命也

願渠無過亦無功

明年春日江湖上回首觚稜一夢中

次公文選班固西都賦上觚稜而拂

金爵注觚稜帝闕之角也子仁杜牧之詩觚稜拂斗極回首上遶遶四朝三十載似夢復非宜

詞鋒唯作楚騷寒德意還同漢詔寬

續後漢侯霸傳每春下寬大之詔奉

四時之令皆霸所建也

好遣秦郎供帖子盡驅春色入毫端

立春翰林

學士供詩帖子

元日過丹陽明日立春寄魯元翰

堆盤紅縷細茵陳

次公元日作五辛盤

巧與椒花兩關新

續晉劉臻妻陳

氏元日獻椒花頌

竹馬異時寧信老

厚白樂天詩一見竹馬戲每思童騷時

土牛

明日莫辭春

續月令出土牛以送寒氣

西湖弄水猶應早北寺觀燈

欲及辰

堯卿北寺在潤州上元最盛

白髮蒼顏誰肯記曉來頻嚏為

何人

次公詩願言則嚏

次韻曾仲錫元日見寄

定州作

蕭索東風兩鬢華年年幡勝翦宮花

厚荆楚歲時記正月七日為人日餗

金薄為人以貼屏風亦戴之頭鬢又造華勝相遺

愁聞塞曲吹蘆管

厚後漢蔡琰云胡人

捲蘆葉吹之以作樂謂之胡笳

喜見春盤得蓼芽

子仁杜甫立春詩春日春盤細生菜

吾

國舊供雲澤米

定武齊酒用蘇州米

君家新致雪坑茶

近得曾燕坑茶



南異事真堪記三寸黃柑擘永嘉

次公永嘉溫州也出柑

除夜大雪留維州元日早晴遂行中途雪復作

除夜雪相留元日晴相送東風吹宿酒瘦馬兀殘夢葱

朧曉光開旋轉餘花弄下馬成野酌佳哉誰與共須臾

晚雲合亂灑無缺空鵝毛垂馬駿自怪騎白鳳

次公北夢瑣言

曹唐遊仙詩玉詔新除沈侍郎便分茅土領東方不知今夜遊何處侍從皆騎白鳳凰堯鄉白樂天春雪詩大

似落鵝毛密

如飄玉屑

三年東方旱逃戶連歌棟老農釋耒歎淚

入饑腸痛春雪雖云晚春麥猶可種敢怨行役勞助爾

歌飯鑿

援山東人埋肉於飯下而食之謂之飯鑿

元日次韻張先子野見和七夕寄莘老之作

得句牛女夕

續七月七月牛女二星當會守夜者見天漢中雲雲白氣光耀五色以此為徵也

轉頭參尾中

厚月令孟春之月昏參中旦尾中

青春先入睡白髮不遺

窮酒社我為敵詩壇子有功

續杜牧贈趙嘏詩今代風騷將誰登李杜壇 縮

頭先夏鼈

見玉川子月蝕詩北方寒龜被蛇縛藏頭入殼如入獄又云寒龜夏鼈一種味且當以其

肉充

實腹鄙秋蟲

次公羅隱蜘蛛賦序蜘蛛秋蟲也致身羅網間

莫唱裙垂綠

次公永叔詞舞餘裙帶綠雙垂

無人臉斷紅

次公元稹鶯鶯序其臉斷紅而已

舊交懷

賀老

續李白憶賀監詩嵇山無賀老

新進謝終童

厚終軍傳軍年十八選為博士弟子後為

諫議大夫死時年二十餘世謂之終童

袍鵲雙雙瑞腰屏一一通

堯祖漢西域傳

贊曰明珠通屏之珍注通屏中央色白通兩頭

小蠻知在否

續白樂天詩楊柳小蠻腰試問

聶嘯翁

次公李林宗字直木嘗謂樂天為聶嘯翁

立春日小集戲李端叔

白髮已十載青春無一堪不驚新歲換聊與故人談牛

健民聲喜鴉嬌雪意酣

厚杜牧之詩鴉嬌村暴暴

霏微不到地和煖

要宜蠶歲月斜川似

次公陶集有遊斜川詩自序云辛丑歲三月五日天氣澄和風物閑

美與二三鄰

曲同游斜川風流曲水慙

厚晉武帝問三日曲水之義尚書束皙曰周公初成洛邑

因流水以泛酒又秦昭王三日上已置酒河曲有金人捧水心之劍乃因其處立曲水祠二漢相沿皆為盛集

行吟老燕代坐睡夢江潭丞掾頗哀援

續後漢馬援為隴西太守賓客

故人日滿其門諸曹時白外事援輒曰此丞掾之事何足相煩頗哀老子使得邀遊

歌呼誰怕參

援西漢曹參為相國相舍後園近吏舍吏日飲歌呼參游園聞吏醉乃反取酒張坐飲大歌呼與相和

衰

懷久灰槁

編莊子身若槁木心如死灰

習氣尚饒貪白啖本河朔紅

消真劍南

次公白啖荔枝名也紅消梨名也堯祖一本作熊白來河北緒紅削劍南

辛盤得

青韭

次公故事立春作五辛盤

臘酒是黃柑

次公黃柑以釀酒乃洞庭春色也

歸

卧燈殘帳醒聞葉打庵須煩李居士重說後三三

厚宗門統

要無着和尚游五臺到山下遇一老僧問曰此間佛法如何住持僧曰凡聖同居龍蛇混雜無着曰多少衆老僧曰前三三後三三無着和尚同測

### 次韻劉景文路分上元

華燈閼艱歲冷月挂空府三吳重時節九陌自歌舞云

從月幾望

子仁周易月幾望

遂至一百五

續荆楚歲時記曰去冬節一百五日即有

疾風甚雨謂之寒食

嘉辰可屈指樂事相繼武今宵掃雲陣極目

靜天宇嬉遊各忘歸闌咽頃未覩飛毬互明滅激水相

吞吐老去反兒童歸來尚饒鼓

師梁曹景宗應詔分韻賦詩得競病字即援筆

立成云去時兒女悲歸來如鼓競借問行路人何如霍去病

新年暗消雪舊歲添絲

縷師自冬至後日添一線

何時九江城

忠安潯陽記云其山九疊江亦九派故郡號九江

相對兩漁父

予舊欲卜居廬山景文近買宅江州

### 次韻楊褒早春

窮巷淒涼苦未和君家庭院得春多不辭瘦馬騎衝雪

來聽佳人唱踏莎

士昭世傳曲有踏莎行

破恨徑須煩麴蘖

次公退之

詩高士例須憐麴蘖

增年誰復怨羲娥

次公退之詩將撫星象遺羲娥

良辰樂事

古難並

續謝靈運良辰樂事  
賞心美景四者難并

白髮青衫我亦歌

堯祖盧  
秉詩青

衫白髮  
病參軍

細雨郊園聊種菜冷官門戶可張羅

厚漢翟公  
罷廷尉門

外可設  
崔羅

放朝三日君恩重睡美不知身在何

### 上元侍飲樓上三首呈同列

澹月疎星遶建章

厚前漢武帝時柏梁災於是作建章  
宮度為千門萬戶宮在未央西長安

城仙風吹下御爐香侍臣鵠立通明殿

淳翊聖保德傳  
云張守真朝玉

皇大殿觀其扁曰通明不曉其旨因焚香告曰通明之  
誼切所未喻敢祈真教真君曰上帝上升金殿殿之光

明照於帝身身之光明照於  
金殿光明通徹故為通明殿

一朵紅雲捧玉皇

次公翼  
聖傳載

玉帝坐處常有紅雲擁之  
雖真仙亦不得見其面也

薄雪初消野未耕賣薪買酒看昇平

龜父續仙傳許宣平傳云嘗負薪以

賣柱一壺每醉吟曰負薪朝出賣沽酒日西歸吾君勤儉倡優拙

厚史記秦昭王謂范雎曰

吾聞之楚之鐵劍利而倡優拙自是豐年有笑聲

老病行穿萬馬羣九衢人散月紛紛歸來一點殘燈在

猶有傳柑遺細君

侍燕樓上則貴戚爭以黃柑遺近臣謂之傳柑續前漢東方朔伏日詔賜

從官肉朔獨拔劍割肉大官奏之朔曰歸遺細君又何仁也

上元夜

惠州作



前年侍玉輦端門萬枝燈

次公端門宣德門也元夕皇帝登端門以宴羣臣

壁

月挂呆愚珠星綴觚稜

次公前漢天文志日月如合璧五星如連珠又前漢文帝七年

六月未央宮東闕梁愚災

去年中山府老病亦宵興牙旗穿夜市鐵

馬響春冰

次公中山府定州也牙旗府帥之旗鐵馬是定州有之

今年江海上雲

房寄山僧亦復舉膏火松間見層層散策枕榔林林疎

月鬢髻

次公枕榔木廣南皆有之其株散頂而後有葉鬢髻覆下也

使君置酒罷簫

鼓轉松陵狂生來索酒

賈道人也

一舉輒數升浩歌出門去

我亦歸薈騰

上元夜過赴儋守召獨坐有感

戊寅歲  
儋州作

使君置酒莫相違守舍何妨獨掩扉靜看月牕盤蜥蜴

厚爾雅蜥蜴蟪蛄守宮也  
在草曰蜥蜴在壁曰蟪蛄

卧聞風幔落

蚺蟻  
次公詩蚺蟻在室子

仁杜詩風幔不依樓

燈花結盡吾猶夢香篆殘時汝欲歸搔首淒

涼十年事傳柑歸遺滿朝衣

追和戊寅歲上元

春鴻社燕巧相違

厚淮南子燕春分而來鴈春分而去燕秋分而北鴈秋分而南

白鶴

峯頭白版扉

次公白鶴峯在惠州白樂天詩書扉局白版

石建方欣洗禰廁

續前漢石建為郎中令事親孝敬每五日洗沐歸  
謁親入子舍切問時者取親中裙廁踰身自澣洗姜龐

不解數蟪蛄

次公後漢廣漢姜詩妻龐氏事姑至孝

東山詩蟪蛄在室蟪蛄在戶

一龕京

口嗟春夢萬炬錢塘憶夜歸

火公京口潤州也錢塘杭州也

合浦賣珠

無復有當年笑我泣牛衣

續前漢王章嘗疾病無被卧牛衣中與妻訣泣涕其妻呵

怒之曰仲卿京師尊貴在朝廷人誰踰仲卿者今疾病困厄不自激昂乃反泣涕何鄙也後章官歷京兆欲上

封事妻止之曰獨不念牛衣中泣時耶章果上書下獄死妻子徙合浦以採珠致產百萬次公先生嘗自跋云

戊寅上元在僮耳過子夜出子獨守舍作違字韻今庚辰上元已再暮矣家在惠州白鵲峯下過子不暮婦子

從余此來其婦亦篤孝悵然感之故和前篇有石建姜龐之句又復悼懷同安君末章故復有牛衣之句悲君

亡而喜子存也書以示  
過看余面勿復感懷

上元夜游絕句

午夜朧朧淡月黃夢回猶有暗塵香縱橫滿地霜槐影  
寂寞蓮燈半在亡

春日

鳴鳩乳燕寂無聲

次公杜詩鳴鳩乳燕青春深

日射西牕潑眼明午

醉醒來無一事

次公陳後主詩  
午醉醒來晚

只將春睡賞春晴

春夜

春宵一刻值千金  
花有清香月有陰  
歌管樓臺聲細細  
鞦韆院落夜沈沈

癸丑春分後雪

雪入春分省見稀  
半開桃杏不勝威  
應慙落地梅花識

却作漫天柳絮飛

厚退之晚春詩揚花榆莢無才思惟解漫天作雪飛次公謝安與謝道韞

詠雪道韞云未若柳絮因風起

不分東君專節物  
故將新巧發陰機

次公

退之雪詩陰機

從今造物尤難料  
更暖須留御臘衣

寒食日得李公擇三絕次韻

從來蘇李得名雙

次公前漢蘇武李陵能詩謂之蘇李唐蘇味道里人李嶠俱以文章顯時

號蘇李又蘇晉李嶠知制誥時號蘇李又蘇頲李又對掌文誥明皇謂頲曰前朝有李嶠蘇味道今有卿及李

又亦世不乏人只恐全齊笑陋邦

次公李公擇知齊州故云

詩似懸河供不

辦綴郭象傳王衍每云聽象語如懸河瀉水注而不竭故欺張籍隴頭龍

厚退之詩君乃

龍奔渠籍乃隴頭瀧

簿書鼙鼓不知春

次公周禮以鼙鼓鼓役事

佳句相呼賴故人

子仁謝靈

運每於篇章對患連軸得佳句寒食德公方上冢歸來誰主復誰賓

巡城已困塵埃眯

次公莊子播糠眯目則天地四方易位師杜詩塵土汗人眼易眯

執

扑仍遭蟻蝨緣

次公左氏華元為植  
巡城禮司空執扑

欲脫布衫攜素手

次公選詩盈盈樓  
上女織織出素手

試開病眼點黃連

來詩謂僕  
布衫督後

### 和子由寒食

寒食今年二月晦樹林深翠已生煙遠城駿馬誰能借

到處名園意盡便但掛酒壺那計盞偶題詩句不須編

忽聞啼鴉驚羈旅江上何人治廢田

次公詩七  
月鳴鴉

### 寒食夜

漏聲透入碧牕紗人靜鞦韆影半斜沈麝不燒金鴨冷

淡雲籠月照梨花

寒食雨二首

自我來黃州已過三寒食年年欲惜春春去不容惜今

年又苦雨兩月秋蕭瑟

子仁宋玉云悲哉秋之為氣臥也蕭瑟兮草木搖落而變衰

聞海棠花泥污鵝脂雪

任杜詩林花着雨鵝脂落

暗中偷負去夜半

真有力

續莊子藏山于澤藏舟于壑謂之固矣然夜半有力者負之而走昧者不知也

何殊病

少年疾起頭已白

春江欲入戶雨勢來不已小屋如漁舟濛濛水雲裏空



庖煮寒菜破竈燒濕葦那知是寒食但見烏銜紙君門

深九重墳墓在萬里也擬哭途窮

厚晉阮籍率意獨駕不由徑路車跡所窮

輒慟哭而反

死灰吹不起

援前漢韓安國坐法抵罪獄吏田甲辱安國安國曰死灰獨不復然

乎曰然則溺之

上巳日與二三子攜酒出游隨所見輒作數句明

日集之為詩故詞無倫次

伯恭先生志林云黃州定慧院東小山上有海

棠一株特繁茂每歲盛開時必為置酒已五醉其下矣今年復興參寥及二三子訪焉則園已易主主雖市井人然以余故稍加培治山上多老枳木花白而圓香色皆不凡以余故亦得不

伐既飲復憩於尚氏之第尚所居竹林花木皆可喜醉卧閣上稍醒聞座客崔成老彈雷琴作悲風曉角鈴鈴然意謂非人間也晚乃步出城東入何氏韓氏竹園遂置酒竹陰下興盡乃徑歸元豐七年三月初三日也

薄雲霏霏不成雨杖藜曉入千花塢

次公莊子原憲杖藜應門柯丘

海棠吾有詩

子仁黃州東坡圖柯山四望直南高丘故亦名柯丘東西隅海棠一株甚茂

獨

笑深林誰敢侮三杯卯酒人徑醉一枕春睡日停午竹

間老人不讀書留我閉門誰教汝

子仁晉王徽之傳吳中士大夫家有竹欲

觀之便出造竹下嘯詠良久主人掃灑請坐徽之不顧將出主人閉門徽之賞之盡歡而去

出簷藁

枳十園大寫真素壁千蛟舞

子仁東坡圖柯丘南尚氏家有叢枳甚大公嘗自為

圖東坡作塘今幾尺

仔塘在東坡雪堂下先生詩會堂作塘徑千步

攜酒一勞

農工苦却尋流水出東門壞垣古塹花無主

次公杜詩桃花一簇開無

主卧開桃李為誰妍對立鵲鵲相媚嫵開瓶藉草勸行

路不惜春衫汙泥土褰裳共過春草亭扣門轉入韓家

園

子仁東坡園春草亭韓家園皆在東門外

輓轡繩斷井深碧鞦韆索掛人

何所映簾空復小桃枝乞漿不見磨門女南上古臺臨

斷岸雪陣翻空迷仰俯故人饋我玉葉羹火冷煙消誰

為煮崎嶇束縕下荒徑

子輦前漢蒯通傳云里婦夜亡肉逐婦里母即束縕請火於亡

肉家云治狗爭肉死遂還婦

姪姪隔花聞好語

次公李賀詩沙路歸來聞好語更隨

落景盡餘尊却傍孤城得僧宇主人勸我洗足眠倒牀

不復聞鐘鼓

次公杜詩睡美不聞鐘鼓傳

明朝門外泥一尺始悟三

更雨如許平生所向無一遂茲游何事天不阻固知我

友不終窮豈弟君子神所予

次公詩豈弟君子神所勞矣

海南人不作寒食而以上已上畧余攜一瓢酒尋

諸生皆出矣獨老符秀才在因與飲至醉符蓋儋

人之安貧守靜者也

老鷄銜肉紙飛灰萬里家山安在哉蒼耳林中太白過

次公李白詩集有尋城北范居士失  
道落蒼耳中見范置酒摘蒼耳作 鹿門山下德公回

續後漢龐德公攜妻子登鹿門山因採藥不返司馬德  
操嘗詣德公值德公上冢德操徑入其室命德公妻子  
連作黍云徐元直當來就此共談其妻子奔走  
供設頃史德公還直入相就不知何者是客也 管寧投

老終歸去

厚三國志管寧北海朱虛人方天下大亂與  
邴原王烈等至遼東時避亂者多居郡南而

寧居北示  
無遺志

王式當年本不來

援前漢王式諸博士共薦  
詔除為博士既至為江公

所辱式恥之謂諸生曰我本不欲來諸  
生強勸我竟為豎子所辱遂謝病免歸 記取城南上已

日木棉花落刺桐開

厚吳錄地志交趾安定縣有木綿樹實如酒杯中有綿如蠶之綿

可作布又昔安海物異名記刺桐其花升其枝幹有刺花附幹而生其葉如桐其花側數如掌形若金鳳

上巳日與二子追過游塗山荆山記所見

龜父雲水經云

荆山在南郡臨沮縣東北其頂上一池周四十餘步旁有石室桓玄江淹並有詩

此生終安歸旋軫天下半竭來乘標廟

子仁虞書禹曰子乘四載注云

謂水乘舟陸乘車泥乘輜山行乘標也

復作微禹歎

昔自南河赴杭州過此蓋二十二年矣援

左傳劉定公臨河歎曰美哉禹功明德遠矣微禹吾其魚乎

從祠及彼呱

援書啟呱呱而泣

像設偶此聚

續塗山氏尚妻也詩如此聚者何

秦祖當侑坐

次公史記大費與禹

平水土已成功帝錫玄圭禹受曰非予能成亦大費為  
輔舜曰咨爾費贊禹功其賜爾皂疇是為伯翳賜姓嬴  
氏夏郊亦薦裸厚禮記祭法夏后氏禘黃帝而郊鯀可憐淮海人尚記弧

矢旦

淮南人相傳禹以六月生是日數萬人會山荆山  
上續禮記男子生以桑弧蓬矢射天地四方

碧相照楚水清可亂別人有餘坑

厚劉向新序荆人卞和得玉璞而獻之荆

厲王使玉尸相之曰石也王以和為謾而斷其左足厲  
王薨武王即位和復奉玉璞又以為謾而斷其右足及  
其王即位奉玉璞而哭於荆山中其王聞之乃使人理其璞而得寶焉名曰和氏之璧美石肖溫

贊

荆山下有卞和採玉坑石色如玉不  
受燒刻取出山下輒變色不復溫潤龜泉木杪出牛

乳石池漫

龜泉在荆山下色白而甘真陸相所謂石池  
漫流者有石記云唐正元中隨白龜流出

小兒強好古侍史笑流汗歸時蝙蝠飛

次公退之詩黃昏到寺蝙蝠飛

炬火記遠岸

送春示友人

夢裏青春可得追欲將詩句絆餘暉酒闌病客惟思睡

蜜熟黃蜂亦懶飛芍藥櫻桃俱掃地

病過此二物

鬢絲禪榻

兩忘機

續杜牧詩今日鬢絲禪榻畔茶煙輕颺落花風

憑君借取法界觀

續華嚴經

法界觀以在日為觀以理無礙事無礙理事無礙事無礙為四觀云

一洗人間萬事非

來書云近看此書余未嘗見也



三月二十九日二首

南嶺過雲開紫翠

次公杜牧詩千峯橫紫翠養源杜詩絕壁過雲開錦繡

北江飛

雨送淒涼

子仁杜詩宵殘雨送涼

酒醒夢回春盡日

厚李涉詩終日昏昏醉夢

間忽聞春盡強登山

閉門隱几坐燒香

厚莊子南郭子綦隱几而坐仰天而虛

門外橘花猶的皜牆頭荔子已爛斑  
樹暗草深人靜處  
捲簾欹枕卧看山

首夏官舍即事

安石榴花開最遲

堯卿博物志張騫使蜀得石榴

絳裙深樹出幽菲  
吾

廬想見無限好

厚陶潛詩吾亦愛吾廬

客子倦游胡不歸座上

尊雖得滿

續孔北海曰座上客常滿尊中酒不空吾無事矣

古來四事巧相違

厚謝靈運曰良辰美景賞心樂事四者難并

令人却憶湖邊寺垂柳陰陰晝

掩扉

次韻朱光庭初夏

堯卿字公琰與公同年

朝罷人人識鄭崇直聲如在履聲中

續前漢鄭崇字子游哀帝擢為尚書

僕射數諫爭上初納用之每見曳革履上笑曰我識鄭尚書履聲

卧聞疎響梧桐雨

厚孟

浩然詩疎雨滴梧桐獨詠微涼殿閣風

援柳公權聯句薰風自南來殿閣生微涼諫苑

君方續承業

續南史李承業集古今章疏作諫苑

醉鄉我欲訪無功

厚唐王績

字無功作

醉鄉記 陶然一枕誰呼覺牛蟻初除病後聰

援晉殷仲堪傳

父嘗患耳聰聞牀下蟻動謂之牛關

端午游真如遲適從子由在酒局

一與子由別却數七端午身隨絲絲繫

任五月五日以五絲絲繫臂辟

兵及鬼令人不病瘟名長命縵

心與昌歎苦

次公周禮醺人昌本麋驚藥性論昌蒲味辛苦

今

年匹馬來佳節日夜數兒童喜我至典衣具雞黍水餅

既懷鄉飯筒仍慙楚

厚續齊諧記屈原以五月五日投汨羅水而死楚人哀之至此日以

竹筒貯飯祭之

謂言必一醉快作西川語寧知是官身糟麴同

薰煮獨攜三子出古剎訪禪祖高談付梁羅詩律到阿

虎歸來一調笑慰此長齟齬

梁羅遲道小名

立秋日禱雨宿靈隱寺同周徐二令

百重堆紫掣身閒

師杜甫任華州司功有早秋苦熱堆紫相仍詩

一葉秋聲對

榻眠

次公淮南子一葉落知天下秋

牀下雪霜侵戶月枕中琴筑落階

泉崎嶇世味嘗應遍寂莫山棲老漸便惟有憫農心尚

在起瞻雲漢更茫然

任詩早晚大甚瞻彼雲漢

七月五日二首

避謗詩尋醫畏病酒入務

師詩尋醫謂不作詩也酒入務謂止酒不飲也

蕭條

北牕下長日誰與度今年苦炎熱

厚唐文宗聯句人皆苦炎熱

草木

困薰煮況我早衰人幽居氣如縷

續杜詩更深氣如縷

秋來有佳

興秫稻已含露還復此微吟往和糟牀注

厚杜詩賴知禾黍秋已覺

注 糟牀

何處覓新秋蕭然北臺上

子仁李白詩何處聽秋聲蕭蕭北牕竹

秋來未

云幾風日已清亮雲間聳孤翠林表浮遠漲新棗漸堪

剥晚瓜猶可餉西風送落日萬竅含悽悵念當急行樂

白髮不汝放

子仁杜詩苦遭白髮不相放

中秋月三首寄子由

慙慙去年月澌灩古城東憔悴去年人卧病破窻中徘徊巧相覓窈窕穿房櫳月豈知我病但見歌樓空撫掌三歎息扶杖起相從天風不相哀吹我落瓊宮白露入肝肺夜吟如秋蟲坐令太白豪化為東野窮餘年知幾何佳月豈屢逢寒魚亦不睡竟夕相噉嚼

厚左思吳都賦泝泗逆流

噉囁  
沈浮

六年逢此月五年照離別

中秋有月凡六年矣惟去歲與子由會於此

歌君

別時曲滿坐為悽咽

子由有水調歌頭

留都信繁麗此會豈輕

擲

留都言南京也太祖興王處有留官司故云

鎔銀百頃湖

次公劉夢得詩洞庭秋月生湖

心層波萬頃如鎔銀

挂鏡千尋閣三更歌吹罷人影亂清樾

厚樾木陰

也

歸來北堂下寒光翻露葉喚酒與婦飲念我向兒說

豈知衰病後空盞對黎粟但見古河東麴麥如鋪雪欲

和去年曲復恐心斷絕

舒子在汶上開門相對清

舒煥試舉人鄆州

鄭子向河朔

鄭僅赴北

京戶

孤舟連夜行頓子雖咫尺如在牢局

頓起來徐試舉人

趙子寄書來水調有餘聲

今日得趙果卿書猶記余在東武中秋所作水調歌頭

悠哉四子心共此千里明

次公謝莊月賦美人邁兮音塵闕隔千里兮共明月

月不解老良辰難合并四顧座上人聚散如流萍嘗聞

此宵月萬里同陰晴

故人史生與余言嘗見海賈云中秋有月則是歲珠多而國賈人以

此候之雖相去萬里他日會合相問陰晴無不同者

天公自着意此會那可輕明

年各相望俯仰今古情



中秋見月和子由

子由自南京寄詩云西風吹暑天益高明月耿耿分秋毫彭城

閉門青嶂合生聽百步鳴飛濤使君攜客登燕  
子月色着人如着水筵前不設鼓與鐘處處笛  
聲相應起浮雲捲盡流金九戲馬臺西山鬱蟠  
杯中綠酒一時盡衣上白露三更寒扁舟明月  
浮古汴回首遠巡陵谷變河吞巨野入長淮城  
沒黃流只三板明年築城城似山伐木為堤堤  
更堅黃樓未成河已退空有遺跡令人看城頭  
看月應更好河流深處今生草子孫免被魚鼈  
食歌舞聊寬使君老南都從事老更貧羞見青  
天月照人飛鶴投籠不能出曾是彭城座上客

明月未出羣山高瑞光千丈生白毫一杯未盡銀闕湧

亂雲脫壞如崩濤誰為天公洗眸子

續退之效月蝕詩  
念此日月者為天

之眼晴

應費明河千斛水遂令冷看世間人照我湛然心

不起西南大星如彈丸

次公謝朓詩流轉如彈丸

角尾奕奕蒼龍蟠

厚廬全月蝕詩東方蒼龍角坤乾尾曳風

今宵注眼看看不見更許螢火爭清

寒何人艤舟臨古汴千燈夜作魚龍變曲折無心逐浪

花低昂赴節隨歌板

是夜賈客船中放水燈

青瑩滅沒轉山前浪

颶風回豈復堅明月易低人易散歸來呼酒更重看堂

前月色愈清好咽咽寒蛩鳴露草卷簾推戶寂無人牕

下咿啞惟楚老

近有一孫名楚老

南都從事莫羞貧對月題詩

有幾人明朝人事隨日出

續武元衡詩無因駐清景日出事還生

恍然一

夢瑤臺客

次公李公垂鶯鶯歌恍然夢作瑤臺客

九日次韻王鞏

我醉欲眠君罷休

續陶潛性嗜酒有酒輒醉每謂客曰我醉欲眠君且去子仁史記吳王謂

蘇子曰將軍罷休就舍

已教從事到青州

厚桓溫有主簿善別酒好者為青州從事惡者

為平原督郵青州有齊郡平原有鬲縣從事謂到臍下督郵言在臆上住也

鬢霜饒我三千

丈

援李白詩白髮三千丈緣愁似箇長

詩律輸君一百籌

師歐陽公歸田錄呂文穆公未

第時薄游一縣胡大監旦方隨其父宰是邑遇呂甚薄客有喻胡曰呂工於詩宜少加禮胡問警句客舉曰批

盡寒燈不成夢胡笑曰乃是一渴睡漢爾呂甚恨而去  
明年首中甲科寄聲於胡曰渴睡漢狀元及第矣胡曰  
待我明年第二人及第輸君  
一籌既而次榜亦中首選 聞道郎君閉東閣續李商隱師令

孤楚常呼楚子綯為郎君綯為翰林學士商隱上謁  
不見因題詩云郎君官貴施行馬東閣無因更重窺 且

容老子上南樓

厚晉庾亮在武昌諸佐吏殷浩之徒秋夜共登南樓亮忽至諸人起避亮徐曰

諸君少住老子於此興復不淺 相逢不用忙歸去明日黃花蝶也愁

### 次韻蘇伯固主簿重九

雲間朱袖拂雲和應是長松掛女蘿

援周禮雲和之琴瑟次公李白寄遠

詩三鳥別王母銜書來相過遙知玉牕裏  
纖手弄雲和奏曲有深意青松交女蘿

髻重不嫌黃

菊滿

子仁杜甫詩菊  
花須挿滿頭歸

手香新喜綠橙搓

次公韓偓詩  
手香如橘嫩墨

翻衫袖吾方醉

次公趙壹善草書日一枝筆月  
數九墨領袖如皂唇齒皆黑

紙落雲

煙子患多

續杜詩揮毫落紙如雲煙次公張  
華謂陸機曰人患才少子患才多

只有黃雞

與白髮玲瓏應識使君歌

次公白樂天醉歌云歌罷胡  
琴掩秦瑟玲瓏再拜歌初畢

誰道使君不解歌聽唱黃雞與白日黃雞催曉丑時鳴  
白日催年酉時沒腰間紅綬挂未穩鏡裏朱顏看已失  
玲瓏玲瓏奈老何  
使君歌了汝更歌

### 九日次定國韻

朝菌無晦朔蟪蛄疑春秋

續莊子朝菌不知晦  
朔蟪蛄不知春秋

南柯已

一世我眠未轉頭

援異聞集淳于棼嘗夢至一國曰大槐宮入國王以女妻拜為南柯太守

夢中倏忽若度一世及覺而理之乃宅南大槐樹下蟻穴也

仙人視吾曹何異蜂蟻

稠不知蠻觸氏自有兩國憂

續莊子有國於蝸之左角者曰觸氏有國於蝸之右

角者曰蠻氏相與爭地而戰伏尸百萬

我觀去來今

次公維摩經天女曰皆以世俗文字數故

說有三世非謂菩提有去來今

未始一念留奔馳竟何得而起無窮羞

王郎誤涉世屢獻久不酬黃金散行樂清詩出窮愁

仰四十年始知此生浮

續莊子其生若浮

軒冕陳道路往往兒

童收封侯起大第或是君家驄

次公前漢李廣言廣之軍吏士卒或取封侯

唐人作郭汾陽詩咸陽原上似聞負販人中有第一流

英雄骨半在君家養馬來

炯然徑寸珠藏此百結裘

子仁董威輦在洛陽時出入於市得殘綰帛輒結以為衣

號曰百結裘

意行無車馬

次公劉禹錫詩意行無舊路

倏忽略九州邂逅

獨見之天與非人謀笑我方醉夢衣冠戲沐猴

續前漢項羽傳

董生曰人謂楚人沐猴而冠果然

力盡病騏驎

次公杜詩草黃騏驎病

伎窮老伶

優

次公荀子鼯鼠五伎而窮

北方有雲根寸田自可種

援黃庭內景云寸田尺宅

可理生

會當無何鄉同作逍遙游

次公莊子內篇逍遙游

歸來城郭

是空有纍纍丘

程續搜神記遼東華表柱上有鶴言曰有鳥有鳥丁令威去家千歲今來歸城

郭猶是人民非何  
不學仙家紫雲

丙子重九二首

三年瘴海上越嶠真我家登山作重九  
蠻菊秋未花惟有黃茆浪堆隴生  
地窰蠶酒孽衆毒酸甜和梨楂何以  
侑一尊鄰翁饋螭蛇亦復強取醉  
謹謠雜悲嗟今年吁

惡歲僵仆如亂麻

厚前漢天文志秦以兵內兼六國外攘四夷死人如亂麻

此會我

雖健

次公杜甫重九詩明年此會知雖健醉把茱萸子細看

狂風卷朝霞使我如

霜月孤光挂天涯西湖不欲往暮樹號寒鴉



窮途不擇友過眼如亂雲餘子誰復數

續後漢禰衡曰大兒孔文舉小

兒楊德祖餘子碌碌不足數

坐閱兩使君共飲去年堂俯看秋水紋

厚古樂府渡遼本自有將軍寒風蕭蕭生水紋

此水與此人相追兩沄沄

次公退之

詩浪波沄沄去

老去各休息造物嗟長勤佳哉此令節不惜與

子分何以娛我客游魚在清瀆水師三百指

次公史記僮手指千

鐵網欲掩羣

厚禮記大夫不掩羣

獲多雖一快買放尤可欣此樂

真不朽明年我歸耕

九日袁公濟有詩次其韻

古來靜治得清閒我愧真長也一班舉酒東榮挹江海  
回樽落日勸湖山平生傾蓋悲歡裏早晚抽身簿領間  
笑指西南是歸路倦飛弱羽久知還

九日黃樓作

去年重陽不可說南城夜半千漚發水穿城下作雷鳴  
泥滿城頭飛雨滑黃花白酒無人問日暮歸來洗韉韞  
豈知還復有今年把盞對花容一呷莫嫌酒薄紅粉陋  
終勝泥中千柄鍾黃樓新城壁未乾青荷已落霜初殺

朝來白露細如雨南山不見千尋剎樓前便作海茫茫

彦章木玄虛海賦茫  
茫積流合形內虛

樓下空聞櫓鴉軋薄寒中人老可

畏

師宋玉九辯懽懽增  
秋兮薄寒之中人

熱酒澆腸氣先壓

次公退之詩  
數杯澆腸雖

暫醉皎皎萬  
慮醒還新

煙消日出見漁村

次公柳子厚詩煙  
消日出不見人

遠水

鱗鱗山鱗鱗

次公郭璞詩  
潛波渙鱗起

詩人猛士雜龍虎

坐客三十  
餘人皆知

名之士次公崔班灼灼  
歌坐中之客皆龍虎

楚舞吳歌亂鵝鴨

子仁李白詩  
吳歌楚舞散

未畢青山欲銜半邊日次公李愬  
夜入蔡州擊鵝鴨池以亂軍聲

一杯相屬君勿辭

次公

退之詩一杯  
相屬君當歌

此境何殊泛清雲

次公雲漢在湖州  
鑿五轄反齒缺也

九日邀仲屯田為大水所隔以詩見寄次其韻

無復龍山對孟嘉

援晉桓溫與孟嘉九日宴龍山

西來河伯意雄誇

續莊

子秋水時至河伯欣然自喜以天下之美在己

霜風可使吹黃帽

厚史記鄧通傳權船者為

黃頭郎徐廣曰著黃帽也

樽酒那能泛浪花

任杜甫詩閨浪花翻

謾遣鯉魚

傳尺素

援選詩客從遠方來遺我雙鯉魚呼童烹鯉魚中有尺素書

却將燕石報瓊

華

續列子宋之愚人得燕石以為玉周人曰此燕石也瓦礫不殊次公詩尚之以瓊華

何時得見

悲秋老

續東玉曰悲哉秋之為氣也

醉裏題詩字半斜

次韻張十七九日贈子由

干戈萬槊擁笳籬

援晉史傅咸劾事云令史張濟案行城東有新立屋間笳籬障二十丈

九日清樽豈復持

是日南都勅使按兵

官事無窮何日了

厚晉傳咸傳楊

濟與咸書曰天下大器非可稍了而相觀每事欲了生子癡了官事官事未易了也了事正作癡復為快耳

菊花有信不吾欺逍遙瓊館真堪羨取次塵纓未可縻

迨此暇時須痛飲

子仁詩云迨我暇矣飲此醅矣安國杜詩痛飲真吾師

他年長

劒挂君頤

援田單攻狄不能下齊兒謠曰大冠如箕長劍挂頤攻狄不下壘於梧丘次公李白詩何

必攜長劍挂頤事玉階

次韻王庭老和張十七九日見寄

霜葉投空雀啁籬上樓筋力强扶持對花把酒未甘老

膏面染鬚聊自欺

堯卿劉夢得詩近來時世輕先輩好染髭鬚事後生

無事亦知

君好飲

厚史記陳軫謂犀首曰公何好飲也曰無事也曰吾令公厭事可乎

多才終恐世

相縻請看平日銜杯口

子仁杜詩生前相遇且銜杯

會有金椎為控

頤

厚莊子儒以詩禮發冢大儒臚傳曰東方作矣事之若何小儒曰未解裙襦口中有珠詩固有之曰青青

之麥生於陵陂生不布施死何含珠為儒以金椎控其頤徐別其頰無傷口中珠

### 冬至日與諸生飲

小酒生黎法

厚國朝會要今儋崖萬安皆與黎為境其服屬州縣者乃熟黎其居山洞無征者為

生  
乾糟瓦盎中芳辛知有毒滴瀝取無窮凍醴寒初注

春醅煖更饒華夷兩樽合醉笑一歡同里閭峨山北田

園震澤東

次公峨山在眉  
州震澤在常州

歸期那敢說安訊不曾通鶴

髮驚全白犀圍尚半紅愁顏解符老壽耳關吳翁得穀

鵝初飽亡猫鼠益豐黃薑收土芋蒼耳斫霜叢

子輦唐  
王震山

居要錄云收蒼耳  
法取未經霜者

兒瘦緣儲藥奴肥為種菰頻頻非竊

食

次公揚子頻頻之黨甚於  
鷹斯亦賊夫糧食而已

數數尚乘風

鱗莊子列子  
遇風而行其

於致福者未  
數數然也

河伯方夸若

援莊子秋水河伯順流而行  
至于北海東面而視不見水

端於是河伯始旋其面而目望洋向若而歎曰野靈媧自語有之曰聞道百以為莫己若者我之謂也

舞馮

厚楚辭遠游篇使湘靈鼓瑟兮令海若舞馮夷又司馬相如大人賦使靈媧鼓瑟而舞馮夷

途陷泥淖炬火燎茆蓬膝上王文度

續晉王坦之字文度父述愛之雖長

大猶抱家傳張長公

次公史記張釋之為廷尉不阿守法景帝時為太子釋之勅不下公

車後事景帝歲餘為淮南王相猶尚以前過也久之釋之卒其子曰摯字長公官至大夫免以不能取容當世故終身

和詩仍醉墨戲海乳犀鴻

厚智果師論王羲之書如犀鴻戲海

殘臘獨出二首

幽尋本無事獨往意自長釣魚豐樂橋採杞逍遙堂羅



浮春欲動雲日有清光處處野梅開

厚杜詩江路野梅香

家家臘

酒香路逢眇道士疑是左元放

厚神仙傳左慈字元放徐墮有道術居丹徒慈

過之墮門下客欺慈云徐公不在慈便去客即報徐公有一老翁眇目吾見其不急之人因欺之云公不在矣

公曰咄咄此是左公過我

我欲從之語恐復化為羊

續曹操忌左慈欲殺之慈走入

羊羣操知不可得乃令就羊中告之曰不復相殺本試君之術耳忽有一老羝屈前兩膝人立而言曰遽如許即往赴之而羊數百並屈膝人立云遽如許遂莫知所取焉

江邊有微行

次公詩遵彼微行

詰曲背城市平湖春草合步到

棲禪寺堂空不見人老稚掩關睡所營在一食

子仁陶詩傾身

營一飽許便有餘少食已寧復事客來豈無得施子靜掃地風松

獨不靜送我作鼓吹

除夜野宿常州城外二首

行歌野哭兩堪悲，遠火低星漸向微。  
病眼不眠非守歲，鄉音無伴苦思歸。  
重衾腳冷知霜重，新沐頭輕感髮稀。  
多謝殘燈不嫌客，孤舟一夜許相依。

南來三見歲云徂，直恐終身走道途。  
老去怕看新歷日，

退歸擬學舊桃符。

續漢制大儺，  
除畢立桃木板於門，  
畫神荼、鬱、以禦凶。

煙花已

作青春意霜雪偏尋病客鬚但把窮愁博長健不辭最

後飲屠酥

厚崔寔四民月令元旦進椒柏酒次第從小至老今屠酥其遺意也堯卿屠酥草庵也古

人居庵作酒  
因以為名

歲晚相與饋問為饋歲酒食相邀呼為別歲至除  
夜達旦不眠為守歲蜀之風俗如是余官於岐下  
歲暮思歸而不可得故為此三詩以寄子由

### 饋歲

農工各已收

次公左傳妨於農收

歲事得相佐

次公殷武詩歲事來辟左傳以相輔

佐為歡恐無及假物不論貨山川隨出產貧富稱小大

真盤巨鯉橫發籠雙兔卧富人事華靡綵繡光翻座貧

者愧不能

次公王符潛夫論浮侈篇富者競欲相過貧者恥不逮及也

微摯出春磨

次公微摯微妙之操摯也

官居故人少里巷佳節過亦欲舉鄉風獨

唱無人和

### 別歲

故人適千里臨別尚遲遲

次公莊子適千里者三月聚糧人行猶可復

歲行那可追問歲安所之遠在天一涯

次公選詩各在天一涯已

逐東流水赴海無歸時

堯卿古樂府百川東到海何時復西歸

東隣酒初

熟西舍羸亦肥且為一日歡

次公列子舜禹周孔四聖人者生無一日之歡死有

萬世之名堯卿謝靈運詩且盡一日娛

慰此窮年悲勿嗟舊歲別行與新

歲辭去去勿回顧還君老與衰

### 守歲

欲知垂盡歲有似赴壑蛇修鱗半已沒去意誰能遮沉

欲繫其尾

次公晉惠皇后云繫狗當繫頸今反繫其尾

雖勤知奈何兒童彊

不睡相守夜誼譁晨雞且勿唱更鼓畏添過坐久燈燼

落起看北斗斜明年豈無年心事恐蹉跎努力盡今夕

少年猶可誇

子仁樂天詩猶有誇張少年處笑呼張丈喚殷兄

東坡詩集註卷二十二

欽定四庫全書

東坡詩集註卷二十三

宋 王十朋 撰

寺觀

海會寺清心堂

沈無量壽佛閣西北法照大師房舊有石刻今亡

南郭子綦初喪我

續莊子南郭子綦曰今者吾喪我汝知之乎

西來達磨尚

求心

厚傳燈錄慧可謂達磨曰我心未寧乞師與安師曰將心來與汝安曰覓心了不可得師曰與汝安

心竟師達磨西來不立文字直指人心見性悟道

此堂不說有清濁遊客自觀

隨淺深兩歲頻為山水役一溪長照雪霜侵紛紛無補  
竟何事慙愧高人閉戶吟

洞霄宮

持晦真憶錄杭州餘杭縣西一十八里有天極山宮曰洞霄舊名天柱觀

上帝高居愍世頑

續退之哭孔丞詩天公高居鬼神惡

故留瓊館在凡間

青山九瑣不易到作者七人相對閒庭下流泉翠蛟舞

洞中飛鼠白鷗翻

厚李白詩仙鼠如白鷗序云荊州玉泉寺近清溪諸山山洞往往有乳窟

窟中多玉泉交流中有白蝙蝠大如雪棲則倒懸一名仙鼠千歲之後體白如雪棲則倒懸長松怪

石宜霜鬢不用金丹苦駐顏



秀州僧本瑩靜照堂

鳥囚不忘飛馬繫嘗念馳靜中不自勝不若聽所之君

看厭事人無事乃更悲

子仁史記陳軫謂犀首曰公何好飲也曰無事也軫謂曰吾令

公厭事可乎

貧賤苦形勞富貴嗟神疲作堂名靜照此語子

謂誰江湖隱淪士豈無適時資老死不自惜扁舟自娛  
嬉從之恐莫見況肯從我為

衆妙堂

甄先生有記云眉山道士張簡易教小學常百人予從之三年謫居南海一日夢至

其處其徒誦老子曰玄之又玄衆妙之門余曰妙一而已容可衆乎道士笑曰一已陋矣何妙

之有若審妙也雖衆可也

湛然無觀古真人我獨觀此衆妙門夫物芸芸各歸根

厚老子夫物芸芸各歸其根

妙中得一道乃存道人晨起開東軒

坐一醉扶桑暎

子仁楚詞暎將出兮東方照吾檻兮扶桑東方有扶桑之木其高萬仞日下浴

於暘谷上拂於扶桑也

餘光照我玻璃盆倒射牕几清而溫欲收

月魄食日魂我自日月誰使吞

厚黃庭經註吞日氣法常以日初出時東向叩

齒九通呪畢瞑目握固存五色流霞來接一身於是日光流霞俱入口中吞月法常以月初時西向叩齒十通

呪畢瞑目握固存月色精光俱入口中能修此道則奔日月之神仙也任道家言人身中自有日月

虔州景德寺榮師湛然堂

卓然精明念不起

次公楞嚴經曰妙精妙明又曰精明靜妙

兀然灰槁照不

滅方定之時慧在定定慧照寂非兩法

次公楞嚴經言因戒生定因定

發慧又云淨極光通達寂照含虛空

妙湛總持不動尊默然真入不二門

任維摩經言文殊師利問維摩詰何等是菩薩不二法門時維摩詰默然無言文殊師利歎曰是真入不二法

門也語息則默非對語此話要將周易論

子仁易復卦注云凡動息則靜

靜非對動者也語息則默然非對語者也

諸方人人把雷電不容細看真頭

面欲知妙湛與總持更問江東三語掾

任晉王戎問阮瞻曰聖人貴名

教莊老明自然其旨同異瞻曰將無同戎  
咨嗟良久即命辟之時人謂之三語掾

寒食與器之游南塔寺寂照堂

項杭州圖經梵天寺在鳳凰山乾德

中吳趙王錢氏建舊額  
南塔寺治平中改今額

城南鐘鼓鬪清新端為投荒洗瘴塵總是鏡空堂上客

次公先生有和聰上人詩  
一悟鏡空老始知圓澤賢誰為寂照境中人  
次公楞嚴經湛然寂

照紅英掃地風驚曉綠葉成陰雨洗春記取明年作寒

食杏花曾與此翁鄰

子仁退之杏花詩云居鄰北郭古  
寺空杏花兩株能白紅明年更發

應更好道人  
莫忘鄰家翁

留題延生觀後山上小堂

次公觀後上小山有堂是唐玉真公主修道遺

迹堯卿本朝端拱元年十月十八日奉敕賜此名額

溪山愈好意無厭上到巉巉第幾尖深谷野禽毛羽怪

上方僊子鬢眉纖

楊杜詩上方重閣晚

不慙弄玉騎丹鳳

續蕭史善吹簫

秦穆公以女弄玉妻焉遂教弄玉吹簫作鳳鳴鳳皇來止其屋公為作鳳臺一旦弄玉乘鳳蕭史乘龍昇天而

去應逐嫦娥駕老蟾

援羿得不死之藥於西王母嫦娥竊之奔月託身月中月有蟾蜍之

象馬澗草巖花自無主晚來胡蝶入疎簾

樓觀

秦始皇立老子廟於觀南晉惠始修此觀

門前古碣卧斜陽閱世如流事可傷

子仁劉禹錫詩  
閱世甚東流

長

有幽人悲晉惠強修遺廟學秦皇丹砂久窖井水赤

續抱

朴子曰臨沱縣有廖氏世老壽後移子孫輒殘折他人  
居其故宅復累世壽疑其井水赤乃掘井左右得古人  
埋丹砂數十斛丹汁

白朮誰燒厨竈香

次公陶隱居引  
仙經云朮能除

惡氣聞道神仙亦相過只疑田叟是庚桑

厚莊子老聃之  
役有庚桑楚者

徧得老聃之道  
北居畏壘之山

自清平鎮遊樓觀五郡大秦延生仙游往返四日

得詩寄子由同作

樓觀

次公崇勝觀也乃尹喜舊宅俗謂之樓觀

鳥噪猿呼晝閉門寂寥誰識古皇尊青牛久已辭轅軻

續別說老氏乘青牛薄板車

白鶴來時訪子孫

援續搜神記遼東華表柱上有鶴集其上

言曰有鳥有鳥丁令威去家千歲今來歸

山近朔風吹積雪

堯卿古樂府朔風吹積雪

天

寒落日淡孤村道人應怪遊人衆汲盡階前井水渾

杜續

詩淘米少汲水汲多井水渾

五郡

古觀正依林麓斷居民來就水泉甘亂溪赴渭爭趨北

飛鳥迎山不復南羽客衣冠朝上象野人香火祝春蠶

汝師豈解言符命山鬼何知託老聃

觀有明皇碑言夢老子告享國長久

之意萬大年楚詞有山鬼之章又史記始皇曰山鬼不過知一年事

### 大秦寺

晃蕩平川盡坡陀翠麓橫忽逢孤塔迥獨向亂山明信

足幽尋遠

子仁李太白詩幽尋無前期乘興不覺遠

臨風却立驚原田浩如

海滾滾盡東傾

次公杜詩不盡長江滾滾來

授經臺

乃南山一峯爾非復有築處



劍舞有神通草聖

援張旭善草書自言始見公主與擔夫爭道而得筆法觀公孫大娘舞劍

器而通神次公張芝草書精切韋仲將以為草聖

海山無事化琴工

援樂府解題言水仙

操曰伯牙學琴於成連先生乃與俱游蓬萊山留伯牙曰子居習之吾將迎師刺船而去旬日不返伯牙迎望

但見海水入洞山林冥杳鳥獸悲號嘆曰吾師將移我情乃援琴而歌曲終成連刺船迎之與還遂為天下妙

堯卿南史宗少文南陽人善琴書圖畫精於名理每游山水住輒忘歸乃於江陵立宅間居無事因結宇衡山

欲懷尚平之志有疾還江陵歎曰老疾俱至名山恐難徧唯澄懷道觀卧以遊之凡所遊履皆圖之於室謂之

曰撫琴動操欲令衆山皆響

此臺一覽秦川小

子仁杜詩會當臨絕頂一覽衆山小

待傳經意已空

次公按列仙傳尹喜既見老子授之五千言喜退而書之名曰道德經

遊金山寺

高圖經金山龍游寺屹立江中為諸禪刹之冠舊名澤心梁武帝天監四年親

臨澤心寺設水陸會聖朝天禧初真宗夢遊此賜令額

我家江水初發源宦遊直送江入海

次公江水發源於岷山孔子曰江出

於汶山其始出源可以濫觴

聞道潮頭一丈高天寒尚有沙痕在中

冷南畔石盤陀

續張又新水記揚子江有中冷水為天下點茶第一

古來出沒隨

濤波試登絕頂望鄉國江南江北青山多羈愁畏晚尋

歸楫山僧苦留看落日微風萬頃靴紋細斷霞半空魚

尾赤

體仁詩鮒魚頰尾

是時江月初生魄二更月落天深黑江

心似有炬火明飛焰照山棲鳥驚

革先生當云山林藪澤晦明之夜則野火

生焉散布如人秉燭其色青異乎人火

悵然歸卧心莫識非鬼非人竟何

物江山如此不歸山江神見怪驚我頑我謝江神豈得

已有田不歸如江水

是夜所見如詩次公文公謂咎犯曰不與舅氏同心者有如此水

### 甘露寺并序

欲遊甘露寺有二客相過遂與偕行寺有石如羊相傳謂之狠石云諸葛孔明坐其上與孫仲謀論曹公也大鑊二按銘梁武帝所鑄畫師子一菩薩二陸探

微筆衛公所留祠堂在寺手植柏合抱矣近寺僧發  
古殿基得舍利七粒并石記乃衛公為穆宗皇帝追  
福所葬者也

致約圖經甘露寺在北固山唐寶曆中  
李德裕建以資穆宗之冥福時甘露降

此山因  
以名之

江山豈不好獨遊情易闌但有相攜人何必素所歡我  
欲訪甘露當塗無閒官二子舊不識欣然肯聯鞍古郡  
山為城層梯轉朱欄樓臺斷崖上地窄天水寬一覽吞  
數州山長江漫漫却望大明寺

子敬大明寺在揚州惟見烟中竿

狠石卧庭下穹窿如伏獐

次公獐羊也史記云貪如狼狠如羊

緬懷卧龍

公挾策事瑯鑽

續徐庶謂先主曰諸葛孔明卧龍也一援後漢史商鞅挾三策以鑽孝公

談收獬子

續曹公問孫策平江東曰獬兒難與爭鋒

再說走老瞞

續曹公小字阿瞞孔

明說孫權與先主并力敗曹操於赤壁

名高有餘想事往無留觀蕭公古

鐵鑊相對空團團坡陀受百斛積雨生微澗泗水逸周

鼎

援周鼎逸於泗水始皇求之弗得

渭城辭漢盤

援魏明年遷承露盤金狄泣下李賀作金

銅仙人辭漢歌云攜盤獨出月荒涼渭城已遠波聲小

山川失故態怪此能獨完

僧繇六化人

仲達畫史云甘露寺張僧繇四菩薩長四尺一版長八尺許

霓衣掛冰

紈隱見十二疊觀者疑夸謾破版陸生畫

緘陸探微南齊吳郡人鹿

畫史云探微瘦面黃目神彩驚人

青猊戲盤跚上有二天人揮手如翔

鸞筆墨雖欲盡典刑垂不刊赫赫贊皇公

續李德裕其先贊皇公

英姿凜以寒古柏親手種挺然誰敢干枝撐雲峰裂根

入石窟蟠薤草得斷碑斬崖出金棺瘞藏豈不牢見伏

理可歎四雄皆龍虎

次公四雄謂諸葛孔明孫仲謀蕭梁武帝贊皇公也

遺迹儼

未利方其盛壯時爭奪肯少安廢興屬造物遷逝誰控

搏子仁賈誼賦忽然况彼妄庸子

子仁前漢灌嬰熟視魏勃笑曰人言魏勃

勇妄庸人耳

而欲事所難古今共一軌後世徒辛酸聊興廣

武歎

援阮藉登廣武觀楚漢戰處歎曰時無英雄使豎子成名

不待雍門彈

厚雍門周謂孟

嘗君曰君百歲之後高臺既已壞曲池既已塹豈不悲乎孟嘗君淚出承睫而未下雍門為之鼓琴遂感泣

遊靈隱寺李杞寺丞見和遊孤山復用前韻

次公樂史

寰宇記靈隱山以許由葛洪所隱本名稽宿山

君不見錢塘湖錢王壯觀今已無

續錢王自鏐至俶三世五王乘唐末起自

民伍有浙東之地歷五代朝貢不絕太祖龍興乃以其地歸有司而挈其族屬朝京師

屋堆黃金

斗量珠運盡不勞折簡呼

厚晉宣帝紀王凌而縛水次遠謂司馬宣王曰卿直以折

簡召我我何敢不來而乃引軍來四方官遊散其孥宮  
乎宣王曰以卿非折簡可呼故也

闕留與閒人娛盛衰哀樂兩須臾何用多憂心鬱紆溪

山處處皆可廬最愛靈隱飛來孤

德薄晏殊輿地志晉  
咸和元年西天僧慧

理歎曰此是中天竺國靈鷲山之小嶺不知何年飛來  
佛在世日多為仙靈之所隱今此亦復爾耶因挂錫造

靈隱寺號  
飛來峯

喬松百丈蒼髯鬚擾擾下笑柳與蒲

厚晉顧  
悅之與

簡文同年而髮早白帝問其故曰松柏  
之姿經霜猶茂蒲柳之質望秋先零

高堂會食羅千

夫撞鐘擊鼓喧朝晡凝香方丈眠氍毹絕勝絮被縫海

圖

援杜詩海國折波濤舊繡移曲  
折天吳及紫鳳顛倒在短褐

清風時來驚睡餘遂



超羲皇傲几蘧

次公陶潛清風颯至自謂羲皇上人續莊子伏羲几蘧

歸時棲鴉

正畢逋

緬漢桓帝時童謠曰城上烏尾畢逋公為吏子為徒

孤煙落日不可摹

雨中遊天竺靈感觀音院

人表國經晉天福四年僧道翊一夕見山間光

明往視之得奇木乃命匠者孔仁謙刻觀音像治平中郡守蔡襄表其異事上之賜靈感觀音

額院

蠶欲老麥半黃前山後山雨浪浪農人輟耒女廢筐白

衣仙人在高堂

宿臨安淨土寺

天祐臨安縣圖經淨土禪寺在縣南二里周顯德中吳越王錢氏建

號光孝明因寺大中  
祥符元年改賜今額

雞鳴發餘杭到寺已亭午

次公梁元帝纂要  
日在午曰亭午

叅禪固未

暇飽食良先務平生睡不足急掃清風宇

次公文選玉  
宇來清風

閉門羣動息

次公司空圖詩  
夜久羣動息

香篆起烟縷覺來烹石泉

紫筍發輕乳晚涼沐浴罷衰髮稀可數浩歌出門去

次公

楚辭少司命云臨風恍兮浩歌  
子仁李白詩仰天大笑出門去

暮色入村塢微月半隱

山圓荷爭瀉露相攜石橋上夜與故人語明朝入山房

善權臨安縣圖經真寂院在縣南二里天成元年吳越  
王錢氏建舊號山房院治平二年改賜今額在石鏡山

東石鏡炯當路昔照熊虎姿

續吳越王錢鏐臨安人布衣時嘗照石鏡鏡起而聳

戰彦忠唐地理志臨安有石鏡山高二十六丈

今為猿鳥顧興廢何足弔萬世

一仰俯

自淨土寺步至功臣寺

明仲臨安國經功臣山在縣南二里本名大官山吳

越王錢氏建為功臣院祥符元年改賜今額

落日岸葛巾晚風吹羽扇

次公孔明葛巾羽扇指麾三軍松間野步穩

竹外飛橋轉神功鑿橫嶺巖石得巨片直渡千人溝下

有微流泣

王父臨安縣國經寺有溝名曰千人相傳錢氏役千人一日而成溝上橋以紫石為之徑

潤各

大餘岡戀蔚回合金碧爛明絢緬懷異姓王負擔此鄉

縣

援郭璞天目山詩五百年生異姓王錢鏐自謂已應此運續吳越王少貧困負擔及其貴也以錦囊盛焉

長逢跨下辱

厚韓信傳淮陰少年侮信曰能死刺我不能出跨下信熟視俛出跨下一市大笑

屢乞桑間飯

續左傳趙宣子舍于翳桑見靈輒餓問之曰不食三日矣誰知山石頑

識此希世彥凜然陰氣逼屹起猶聳戰他年萬騎歸父

老恣歡宴錦繡被原野珠金散貧賤

續鏐為鎮東軍節度使封吳越王昭

宗詔升所居為衣錦城石鏡山曰衣錦山大官山曰功臣山鏐宴故老山林皆覆以錦作還鄉歌曰玉節還鄉

今衣錦衣父老遠來相追隨

賈融既入朝

厚賈融為河西大將軍以五郡歸漢及隴蜀平融為

五郡太守  
奏事京師  
吳芮空記面

援西漢諸王惟吳芮傳世最久  
魏黃初未盜發具芮冢容貌如

生後豫發者見吳綱曰君  
貌類長沙王但微短爾

榮華坐銷歇閱世如郵傳前

漢益寬饒曰富貴無常忽則  
易人此如傳舍所閱人多矣惟有長明燈依然照深殿

續江寧縣寺有晉長明燈歲久火色變青而  
不熱隋文平陳已訝其古矣而今猶不滅

### 秀州報本禪院鄉僧丈長老方丈

萬里家山一夢中吳音漸已變兒童每逢蜀叟談終日

便覺峨眉翠掃空

德操洞天記峨眉山  
在嘉州係第七洞天

師已忘言真有

道我除搜句百無功明年採藥天台去

幼槃洞天記天  
台赤城山高一

萬八千丈周回五百里在台州天台縣

更欲題詩滿浙東

獨遊富陽普照寺

夢良國經淨明院在縣北五里唐號普照後廢石晉天福七年

重建治平二年改賜今額

富春真古邑此寺亦唐餘鶴老依喬木龍歸護賜書連

筒春水遠

厚杜詩連筒灌小園

出谷曉鐘疎欲繼江潮韻

次公宋之問遊

江南靈隱寺夜月澄明獨行廊下因吟曰鷺嶺鬱岩峩龍宮隱寂寥搜思久之不就有老僧坐大禪牀曰何吟之苦何不道樓觀滄海日門對浙江潮宋歎警策逮明訪之不復見寺僧知者曰此駱賓王也何人為

起予

自普照遊二庵

饒富陽縣圖經延壽院在縣北四里院前有東西二庵

長松吟風晚雨細東庵半掩西庵閉山行盡日不逢人

裊裊野梅香入袂居僧笑我戀清景自厭山深出無計

我雖愛山亦自笑獨往神傷後難繼

厚荀繁妻亡不哭而神傷杜詩神傷

山徑深

不如西湖飲美酒紅杏碧桃香覆髻作詩寄謝採

薇翁本不避人那避世

佛日山榮長老方丈五絕

韓杭州圖經淨惠禪院在永和鄉天福七年吳

趙王錢氏建舊額佛日院祥符元年改今額

陶令思歸久未成遠公不出但聞名

次公廬山惠遠大師出不過虎溪因

送陶淵明而過此溪

山中只有蒼髯叟數里蕭蕭管送迎

千株玉柳攬雲立一穗珠旒落鏡寒何處霜眉碧眼客

結為三友冷相看

東麓雲根露角牙細泉幽咽走金沙不堪土肉埋山骨

未放蒼龍浴渥洼

中之退之詩蒼龍露骨牙次公石鼎聯句巧匠斲山骨前漢元狩三年馬

生涯注水中作歌云今安匹龍為友

食罷茶甌未要尋清風一榻抵千金腹搖鼻息庭花落



還盡平生未足心

次公孫樵乞巧對偃然就寢腹搖鼻息夢到鄉國槐花撲庭

日射回廊午枕明水沈銷盡碧烟橫山人睡覺無人見

只有飛蚊遶鬢鳴

次公唐何諷夢湯賦窓日斜照飛蚊遶鬢

宿海會寺

持晦臨安縣圖經海會寺在縣西去縣二里梁大同中建號竹林寺祥符中改

賜令額

籃輿三日山中行

厚晉陶潛傳王弘邀潛還州問其所乘答云素有脚疾向乘籃輿亦足自

反山中信美少曠平

厚王仲宣登樓賦雖信美而非吾土今曾何足以少留

下投

黃泉上青冥

次公左傳不及黃泉無相見也楚辭據青冥而攄虹

線路每與猿狖

爭

師長楊賦威猛狖之收多麋鹿之獲

重樓束縛遭澗坑兩股酸哀饑腸

鳴北渡飛橋踏彭鏗繚垣百步如古城

師西都賦西郊則有大園禁苑

繚以周牆四百餘里

大鐘一撞千指迎高堂延客夜不扃杉槽漆

斛江湖傾

謂師杉槽漆斛謂浴室也

本來無垢洗更輕

堯卿襄州驚嶺善本禪師

因入浴室有僧問和尚是離垢底人為什麼却浴師曰定水湛然滿浴此無垢人

倒牀鼻息四

鄰驚

次公石鼎聯句序云道士倚牆睡鼻息如雷鳴

統如五鼓天未明

厚晉鄧攸傳吳

人歌曰統如打五鼓雞鳴天欲曙

木魚呼粥亮且清

次公鬼詩夜闌寂已清長笛亮且鳴

不聞人聲聞履聲

次公漢哀帝曰我識鄭尚書履聲

夜至永樂丈長老院文時卧病退院

李彭富陽人  
經永樂寺在

縣東北  
六里

夜聞巴叟卧荒村來打三更月下門往事過年如昨日  
此身未死得重論老非懷土情相得病不開堂道益尊  
惟有孤栖舊時鶴舉頭見客似長言

虎丘寺

續先名海湧山吳越春秋闔閭葬國西發  
五都之士十萬人作冢銅棺三重水銀為

池金玉為龜雁扁諸之劍三千槃郢魚腸在焉  
葬後三日金精之氣上揚化為虎踞其墳故號

虎丘寺  
在蘇州

入門無平田石路細穿嶺陰風生澗壑古水翳潭井湛

盧誰復見

續吳越春秋越王允常使歐冶子鑄五劍曰純鉤湛盧豪曹魚腸巨闕以湛盧獻吳吳公

子光以弒其君僚湛盧夜飛入楚

秋水光耿耿鐵花秀巖壁

饒寺中有鐵花巖在

劍池側殺氣噤蛙黽幽幽生公堂左右立頑礪當年或未

信異類服精猛

厚十道四蕃志生公異僧竺道生也講經於此人無信者乃聚石為徒與談至理

石皆點頭寺有生公禪堂

胡為百歲後仙鬼互馳騁窈然留清詩

讀者為悲哽

次公清遠道士與沈恭子同遊虎丘寺有詩歷論商周及近代二千年事頗真卿為

之刻石又鬼詩云青松多悲風蕭蕭清且哀白日徒昭昭不照長夜臺李道昌為刺史奏其事陸龜蒙皮日休

松陵唱和  
皆及之

東軒有佳致

呂寺中有佳致  
軒在池堂之東

雲水麗千頃熙

熙覽生物春意破淒冷我來屬無事暖日相與永

厚杜  
詩蘇

葭離披去天  
水與相永

喜鵲翻初旦愁鳶蹲落景坐見漁樵還新

月溪上影悟彼良自怡歸田行可請

遊淨居院

井序

寺在光山縣南四十里大蘇山之南小蘇山之北寺

僧居仁為余言齊天保中僧思惠過此見父老問其

姓曰蘇氏又得二山名歎曰吾師告我遇三蘇則住

遂留結庵而父老竟無有益山神也其後僧智顗見思於此山而得法焉則世所謂思大和尚智者大師是也唐神龍中道岸禪師始建寺於其地廣明庚子之亂寺廢於兵火至乾興中乃復而賜名曰梵天云

十載遊名山自製山中衣

次公楚詞製芰荷以為衣

願言畢婚嫁

絳向

平男女嫁娶既畢敕斷家事勿復相闕遂肆意遊名山不知所終

攜手老翠微

次公爾雅山未

及上翠微不悟俗緣在失身蹈危機

絳晉書諸葛長民云貧賤常思富貴富貴必履

危刑名非宿學

子仁楊子刑名非道邪何自然也

陷穽損積威

厚司馬遷答任

安書猛虎在深山百獸震恐及其在陷  
窞之中搖尾而求食積威約之漸也  
遂恐死生隔永

與雲山違今日復何日芒鞋自輕飛稽首兩足尊

次公

慧足謂之兩足尊

舉頭雙涕揮靈山會未散八部猶光輝

援佛法

靈山天龍八部來會

願從二聖往一洗萬劫非徘徊竹溪月空翠

搖烟霏

子仁王維詩空翠濕人衣

鐘聲自送客出谷猶依依回首吾

家山歲晚將焉歸

少年時嘗過一村院見壁上有詩云夜涼疑有雨

院靜似無僧不知何人作也宿黃州禪智寺寺僧

皆不在夜半雨作尚記此詩故作一絕

佛燈漸暗饑鼠出山雨忽來脩竹鳴知是何人舊詩句  
已應知我此時情

定惠院寓居月夜偶出

幽人無事不出門偶逐東風轉良夜參差玉宇飛木末  
繚繞香烟來月下江雲有態清自媚竹露無聲浩如瀉  
已驚弱柳萬絲垂尚有殘梅一枝亞清詩獨吟還自和  
白酒已盡誰能借不辭青春忽忽過但恐歡意年年謝



自知醉耳愛松風會揀霜林結茅舍浮浮大甌長炊玉

次公詩  
之浮浮

溜溜小槽如壓蔗

次公李賀詩小  
槽酒滴真珠紅

飲中真味

老更濃醉裏狂言醒可怕但當謝客對妻子倒冠落珮

從嘲罵

續杜牧望故園賦倒  
冠落珮兮與世疎濶

### 次韻前篇

去年花落在徐州對月酣歌美清夜

去年徐州花下對  
月與張居厚王子

中兄弟飲酒作蘋字韻詩厚陶淵  
明詩佳人美清夜達曙酣且歌

今年黃州見花發小

院閉門風露下萬事如花不可期餘年似酒那禁瀉憶

昔還鄉沂巴峽落帆樊口高桅亞

子仁韓詩大帆夜劃窮高桅

長江

滾滾空自流白髮紛紛寧少借竟無五畝繼沮溺空有

千篇凌鮑謝

次公杜詩賦詩何必多往往凌鮑謝

至今歸計負雲山未免

孤衾眠客舍少年辛苦真食蓼

續傳食蓼之蟲

老景清閒如啖

蔗

援晉書顧愷之食蔗必自末至本或怪之云漸入佳境

饑寒未至且安居憂患

已空猶夢怕穿花踏月飲村酒免使醉歸官長罵

厚杜詩醉

即騎馬歸頗遭官長罵

安國寺浴

欽夫先生寺記云寺立於僞唐保大二年始名護國嘉祐八年賜今名

老來百事懶身垢猶念浴衰髮不到耳

子仁杜詩白頭  
亂髮不到耳

尚煩月一沐山城足薪炭烟霧濛暘谷塵垢能幾何脩  
然脫羈梏披衣坐小閣散髮臨脩竹心困萬緣空身安

一牀足豈惟忘清淨兼以洗榮辱默歸無多談

子仁漢  
楊惲書

云方今漢德隆盛  
願勉旃無多談

此理觀要熟

遊武昌寒溪西山寺

次公樂史寰宇記武昌縣樊  
山亦曰樊岡下有寒溪中有

石  
蟠龍

連山蟠武昌

次公杜詩連  
山抱西南

翠木蔚樊口

共父志林記樊  
山云自余所居

臨臯亭下亂流而西  
泊於樊山為樊口

我來已百日欲濟空搔首

次公詩愛而不

見接首  
躊躇

坐看鷗鳥沒

次公杜詩白鷗沒浩蕩

夢逐麝麝走今朝橫

江來一葦寄衰朽

次公詩誰謂河廣一葦杭之

高談破巨浪

次公南史宗慤

云願乘長風破萬里浪

飛屨輕重阜去人曾幾何絕壁寒溪吼風

泉兩部樂

續南史孔珪字德璋不樂世務門庭之內草萊不剪中有蛙鳴或問曰欲為陳蕃乎珪笑

曰我以此當兩部鼓吹何必效蕃

松竹三益友

次公選詩開徑望三益

徐行欣有

得芝朮在蓬蓫

次公史蓬蒿蓫蓫

西上九曲亭

子仁子由九曲亭記子瞻運于

齊安齊安無名山而江之南武昌諸山中有浮圖精舍西曰西山東曰寒溪將適西山行於松栢之間羊腸九

曲而復少平有廢亭焉其遺趾甚狹不足以席衆客  
子瞻與客入山相與替之亭成而西山之勝始具 衆

山皆培塿

次公左傳培塿無松柏

却看江北路雲水渺何有離離

見吳宮莽莽真楚數空傳孫郎石

次公素術言孫策曰使術有子如孫郎死

復何恨其後士民皆呼策為  
孫郎又孫楚欲枕流漱石

無復陶公柳

厚陶侃性纖密好問頗類

趙廣漢嘗課諸營種柳都尉夏施盜官柳植之於已門  
侃後見駐車問曰此是武昌西門前柳何因盜來此種

施惶怖謝罪無逸  
陶潛號五柳先生

邇來風流人惟有漫浪叟

續元結作自釋一篇

言將家瀛濱乃自稱浪士及有官人以為浪者亦漫為  
官乎呼為漫郎既客樊上漫遂顯焉又其文云漫浪於

人間結嘗遊寒溪  
有宦樽杯飲之處

買田吾已決乳水況宜酒

次公乳水即次山杯

湖銘序所言即亭西乳也堯祖乳所須脩竹林深處安  
水即先生所紀泉水白而甘者也

井曰厚後漢馮衍妻悍妬兒女自操井臼相將踏勝絕更裏三日糗

定惠院顥師為余竹下開嘯軒

啼鳩催天明喧喧相詆譙任楚詞鸛鳩先鳴今使夫百草之不芳暗蛩泣

夜永唧唧自相弔

子仁韓詩蟲弔寒夜永

飲風蟬至潔長吟不改

調

次公月令云仲夏之月蟬始鳴季夏之月寒蟬鳴

食土蚓無腸亦自終夕叫

次公荀子云蚓上食埃土下飲黃泉用心一也龜父崔豹古今注蚓曰歌女

鳶貪聲最鄙鵲

喜意可料

次公陸賈云乾鵲噪而行人至皆緣不平鳴

續退之送孟郊序大凡物不得

其平慟哭等嬉笑

子仁晉阮籍傳籍嘗於蘇門山遇孫登與商略終古及栖神導氣之術登

皆不應因長嘯而退至半嶺聞有聲若鸛鳳之音乃登嘯也

阮生已踈狂孫子亦未

妙道人開此軒清坐默自照衝風振河海不能號無竅

厚莊子大塊噫氣其名爲風是唯無作作則萬竅怒號

累盡吾何言風來竹自嘯

師說文竹得風其體天屈如人之笑

## 石塔寺

世傳王播飯後鐘詩蓋揚州石塔寺事也相傳如此

戲作此詩

饑眼眩西東詩腸忘蚤晏雖知燈是火不悟鐘非飯

次公

小說唐王播少孤貧客木蘭院隨僧齋粥僧厭苦之飯後擊鐘其後播鎮揚州訪舊處題詩曰上堂已了各西

東慙愧闌黎飯後鐘諺云山僧異漂母續前漢韓信微

早知燈是火飯熟已多時一漂母哀之飯信竟漂數十日信謂漂母曰吾必重報母母怒曰大丈夫不能自食吾哀王孫而進食豈望報

乎但可供一莞胡為三十年記憶作此訛齋廚養若人

無益祇遺患

厚前漢陳平諫高祖曰今楚兵罷食盡此天亡之時不因而取之此養虎自遺患也

續描相穆宗時權倖競進描賴其力至宰相專務將迎居位無所裨益復失河北衆望不厭

乃知飯

後鐘閣黎蓋具眼

厚傳燈錄鄧州丹霞禪師有僧於山下見師師問僧什麼處宿云山下宿



師曰什麼處飯曰山下喫飯師曰  
將飯與閑黎喫底人還具眼者也

### 月華寺

寺鄰岑水場施者皆坑  
戶也百年間蓋三焚矣

天公胡為不自憐結土融石為銅山萬人採斲富媼泣

祇有金帛資豪姦脫身獻佛意可料一瓦坐待千金還

月華三火豈天意至今茆舍依榛菅

厚周禮大司馬  
仲夏教茆舍

僧

言此地本龍象

次公龍象佛書謂有  
力可以負荷者也

廢興反掌曾何艱

高崑夜吐金碧氣

曹杜詩潤聚金碧  
氣清無砂土痕

曉得異石青爛斑

坑流窟發錢湧地莫施百鎰朝千鏹

厚孟子饋兼金百  
鎰而不受書呂刑

其罰此山出寶以自賊地脉已斷天應慳

續史記蒙恬臨死曰起臨

洮屬之遼東城塹萬餘里此其中不能無絕地脉

我願銅山化南畝爛熳黍麥

蘇惲鰥道人修道要底物破鐺煮飯茆三間

厚傳燈錄無業國師

曰看他古德道人得意之後茆茨石室向折脚鐺子裏煮飯喫過三二十年又杭州廣嚴院咸澤禪師僧問

如何是廣嚴家風師曰一塢白雲三間茅屋

## 南華寺

云何見祖師要識本來面

厚傳燈錄道明禪師問五祖密付衣鉢與盧行者即躡跡

追逐至庾嶺曰我來求法願行者開示於我祖曰不思善不思惡正恁麼時那箇是明上座本來面目師當下

大悟亭亭塔中人問我何所見可憐明上座萬法了一電

續佛書一切有為法如夢幻泡影如露亦如電飲水既自知援傳燈錄如人指

月無復眩厚楞嚴經如人以手指月示人彼人因指當應看月若復觀指以月為體此人豈惟亡失

月輪亦我本修行人三世積精鍊中間一念失受此百

年譴樞衣禮真相厚禮記樞衣趨隅必慎唯諾感動淚雨霰借師錫

端泉厚傳燈錄六祖初住曹溪卓錫泉湧清涼甘滑瞻足大衆洗我綺語硯

峽山寺傳奇所記孫恪袁氏事即此寺至今有人見白猿者

天開清遠峽次公郭璞江賦豁若天開地轉凝碧灣我行無遲速攝

衣步孱顏山僧本幽獨乞食况未還雲碓水自春

厚白樂天

詩藥爐有火丹應伏雲碓無人水自春

注云

松門風為

關厚王羲之遊四郡記永石泉解娛客琴筑鳴空山

郇老

白樂天廬山草堂記堂東有佳人劍翁孫

厚吳越春秋越王問劍於

處女處女將見王道逢素公公曰聞子善劍術女子曰願試也公即挽以刺女女舉杖擊之公即上樹化而為

猿白遊戲暫人間忽憶嘯雲侶賦詩留玉環

次公傳奇廣德中有孫恪

者遊洛中遇素氏女遂納為室後十餘年同至峽山寺素氏欣然改服理鬢詣老僧乃持一碧玉環獻僧曰此是院舊物僧初不曉及齋罷有野猿數十悲嘯捫蘿而躍素氏惻然俄命筆題詩云無端變化幾湮沈剛被思

情役此心不如逐伴歸山去長嘯一聲烟霧深詩畢遂裂衣化為老猿追嘯者躍樹而去老僧方悟曰乃貧道為沙彌時所養者碧玉環林深不可見霧雨埋髻髮則胡人所施繫於其頸者

### 廣州蒲澗寺

地產菖蒲十二節相傳安期生之故居始皇訪之於此

不用山僧導我前自尋雲外出山泉

厚杜詩在山泉水清出山泉水濁

千章古木臨無地

次公大材曰章前漢百官表有主章之官又貨殖傳云山居千章之楸也

王簡頭陀寺碑云飛閣遙遷下臨無地

百尺飛濤瀉漏天

次公漏天是地名在黎州以其

多雨故曰漏天

昔日菖蒲方士宅後來蒼筤祖師禪

續維摩經云如人入

蒼筤林中唯嗅蒼筤不嗅餘香雲卿香譜曰梔子香出大食國即佛書所謂蒼筤也厚傳燈錄仰山謂香室禪

師曰汝只得如來禪未得祖師禪

而今只有花含笑笑道秦皇欲學仙

山中多含笑花麗先遜齊開覽云南方花木北地所無者大含笑小含笑其花常若菡萏之未敷者故有含笑之名

遊博羅香積寺

并引駒父白鶴故居園香積寺在惠州南博羅縣西山下

寺去縣七里三山犬牙夾道皆美田麥禾甚茂寺下

谿水可作碓磨若築塘百步閘而落之可轉兩輪舉

四杵也以屬縣令林朴使督成之

朴字天和

二年流落鼃魚鄉

厚國語范蠡謂王孫雄曰昔吾先君因周室之不成子也故濱於東海之

陂魚盤之與處  
而龜鼉之與鄰  
朝來喜見麥吐芒  
東風搖波舞淨綠

次公

柳子厚詩來芒際天搖碧波

初日泣露酣嬌黃

次公謝靈運詩花上露猶泣

汪汪

春泥已沒膝  
剌剌秋穀初分秧  
誰言萬里出無友  
見此

二美喜欲狂  
三山屏擁僧舍小  
一谿雷轉松陰涼

白駒父鶴

故居圖三山者大北山象頭山白水山皆在水南一谿者即東江也在山之北  
要令水力供白

磨與相地脉  
增隄防霏霏落雪看  
收麪隱隱疊鼓聞  
春

糠散流一啜雲子白

次公漢武帝外傳太上之藥則有風實雲子金精玉液

炊裂

十字瓊肌香

厚晉何曾性豪侈每燕見不食太官所設帝輒命取其食蒸餅上不折作十字則不

也豈惟牢九薦古味

東晉餅賦饅頭薄持起搜牢

九要使真一流天漿

詩成捧腹便絕倒

次公史記曰者傳司馬季主捧腹大笑晉書衛玠談道平子絕倒

書

生說食真膏肓

次公左傳晉侯病在膏之上肓之下

與正輔遊香積寺

越山少松竹常苦野火厄此峯獨蒼然感荷佛祖力茯

苓無人採千歲化琥珀

厚本草注松脂入地千年為茯苓又千年為琥珀

幽光

發中夜見者惟木客

次公木客廣南山中有之蓋野人與鬼之類也

我豈無長

鏡

續杜詩長鏡長鏡白木柄我生託子以為命

真贗苦難識

次公退之詩前計頓乖張居然見真



層靈苗與毒草疑似在毫髮把玩竟不食棄置長太

息山僧類有道辛苦嘗谷汲

厚前漢地理志號檜之地土陋而險山居谷汲我

慙作機舂

次公傳曰杵臼之智不及機舂

鑿破混沌穴

續莊子儻與忽相遇於混沌之

地謀報混沌之德曰人皆有七竅此獨無有嘗試鑿之日鑿一竅七日而混沌死

幽尋恐不繼

# 書板記歲月

## 次韻高要令劉湜峽山寺見寄

次公古謂之高要郡有高要峽焉

新聞妙無多舊學閒可束猶當隱季主

續司馬季主卜於長安市未

遽逃梅福

厚梅福字子真為九江尉後逃入海上人見其為吳市門卒

空腸吐餘思

靜似蠶綴簇寸田結初果

次公寸田道家所謂丹田也

秀若銅生綠

厚本草生銅皆有青蓋銅之精華也

荆棘掃誠盡梨棗憂不熟

續真誥王夫人謂許

長史曰交梨火棗是飛騰之藥要使生於胃中今君胃中荆棘掃除未盡是以梨棗不生也

高人寧

鑄金

次公劉向得鴻寶書言能鑄金而不成也

下士乃服玉

厚抱朴子服玉當得于闐白玉

赤松子服水玉得仙也

君看嶺嶠隘我欲巾笥蓄曾攀羅浮頂亦

到朱明谷旋觀真歷塊

次公王褒云駿馬之蹏猶歷塊也

歸卧甘破屋

故人老猶仕世味薄如穀

吾老世味薄子仁退之詩

偶從越女笑

厚退

之詩洪濤春天禹穴幽越女一笑三年留

不怕蠻江浴驚聞尺書到喜有新

詩辱應憐五管客

援莊子願隱於齊肩高於頂句替指天上有五管也厚退之詩五管徧歷

無賢曾作八州督

厚晉書陶侃字士衡嘗如廁見一人朱衣介幘欽袂曰君後當為公位至

八州骨銷讒口鑠

續史記鄒陽金膽破獄吏酷厚南史王都督書衆口鑠金融矯詔立

竟陵王子良太學生魏準證成其事及融誅準懼而死舉體皆青時以為膽破隴雲不易寄陶

弘景詩山中何所有隴上多白雲只可自怡悅不堪持寄君江月乃可掬厚唐于良史泰山夜

月詩掬水遙知清遠寺不稱空洞腹續晉王導嘗指周顗腹曰此中何有

答曰空洞無物然寒驢步武碎短瑟絃柱促仰看泉落

珮俯聽石響轂千峰瀉清駛一往無回躅狂雷失晤語

過電不容目要知僧長饑正坐山少肉

次公傳燈錄司馬頭陀自湖南

來百丈謂之曰老僧欲往滿山可乎對曰滿山奇絕可聚千五百衆然非和尚所住百丈云何謂也對云和尚

是骨人彼是肉山設居之徒不盈千百矣人間無南北蝸角空出縮仇池九

十九

仇池有九十九泉余嘗夢至有詩

嵩少三十六

子由近買田陽翟北望嵩少甚近

天人同一夢仙凡無兩錄陋邦真可老生理亦粗足便

回藝天焰長作照海燭

黃魯直寄詩云蓮花合裏一寸燭牝馬海中燒百川魯直蓋近

有得也次公退之詩居然妄推讓見謂藝天焰

入寺

曳杖入寺門輯杖揖世尊

次公禮記孔子曳杖而歌

我是玉堂仙謫

來海南村多生宿業盡一氣中夜存

厚楚詞一氣孔神兮於中夜存

旦

隨老鷄起饑食扶桑曙光圓摩尼珠照耀玻璃盆來從

佛印可

厚維摩經言若能如是坐者佛所印可

稍覺魔忙奔閒看樹轉午

坐到鐘鳴昏收斂平生心耿耿聊自溫

### 留題顯聖寺

渺渺疎林集晚鴉孤村烟火梵王家幽人自種千頭橘

續李衡種橘於龍陽洲謂其子曰吾洲中有千頭木奴

遠客來尋百結花

厚首楞嚴經阿

難白佛言世尊比竇疊華緝績成巾雖本一體如我思  
惟如來一綰得一結名若百結成終名百結若拙江南  
人謂丁香為百結浮石已乾霜後水焦坑間試雨前茶祇疑歸

夢西南去翠竹江村遠白沙

次公杜詩白沙翠竹江村路相對柴門月色新

### 留題仙都觀

山前江水流浩浩山上蒼蒼松柏老舟中行客去紛紛  
古今換易如秋草空山樓觀何崢嶸真人王遠陰長生

子仁王方平陰長生皆在此山學道得仙者

飛符御氣朝百靈悟道不復誦

黃庭龍車虎駕來下迎去如旋風搏紫清真人厭世不

回顧世間生死如朝暮學仙度世豈無人  
食霞絕粒長辛苦安得獨從逍遙君冷然乘風駕浮雲超世無有我獨行

過木樨觀

子仁老泉詩序云許旌陽得道之所舟人不以相告既過至武寧縣乃得其事

縣人云許旌陽棺柳猶在山上旌陽許邁也嘗為旌陽縣令

石壁高千尺微蹤遠欲無飛簷如劒寺

出劍門東望上寺宇髣髴可見

古柏似仙都許子嘗高遁行舟悔不迂斬蛟聞猛烈提

劒想崎嶇

任許旌陽斬蛟於洪州即西江所經也

寂寞棺猶在修崇世已

愚隱居人不識化去俗爭吁洞府煙霞遠人間爪髮枯  
飄飄乘倒景誰復顧遺軀

留題峽州甘泉寺

姜詩  
故居

輕舟橫江來弔古悲純孝逶迤尋遠跡婉孌見遺貌清  
泉不可挹涸盡空石窖古人飄何之唯有風竹關行行  
玩村落戶戶懸網罩民風坦和平開戶夜無鈔叢林富

笋茹平野絕虎豹嗟哉此樂鄉無乃姜子教

任姜詩妻  
龐氏事母

至孝妻奉順尤謹後汲江水值風不時得還母渴詩責  
而遣之妻乃寄止鄰舍晝夜紡績市珍羞使鄰母以意



自遺姑久之姑怪問鄰母  
鄰母具對姑感慚呼歸

### 寄題清溪寺

口舌安足恃韓非死說難

續太史公曰韓非作說難而卒死於說難

自知不

可用鬼谷乃真姦遺書今未亡小數不足觀

續劉向七畧有鬼谷

子儀書秦固新學

純蘇秦張儀皆學於鬼谷子

見利不知患嗟時無桓

文使彼二子顛死敗無足怪夫子固使然君看巧更窮  
不若愚自安遺宮若有神頷首然吾言

雙鳧觀

在葉縣

王喬古仙子時出觀人寰常為漢郎吏厭世去無還雙

鳬偶為戲聊以驚世頑不然神仙跡羅網安能攀

任後漢王

喬有神術為葉令每朔望來朝明帝怪之令太史伺望輒有雙鳬從東來羅之得雙鳬焉詔尚方審視乃前所

賜履也紛紛塵埃中銅印紆青綸也安知無隱者竊笑彼

愚姦

題惠州靈惠院

直視無前氣吐虹五湖三島在胸中相逢莫怪不相揖

只見山僧不見公

泗州僧伽塔

我昔南行舟繫汴逆風三日沙吹面

次公杜詩步壑風吹面

舟人共勸

禱靈塔香火未收旗脚轉回頭頃刻失長橋却到龜

山未朝飯至人無心何厚薄我自懷私欣所便耕田欲

雨刈欲晴去得順風來者怨若使人人禱輒遂造物應

須日千變我今身世兩悠悠去無所逸來無戀得行

固願留不惡每到有求神亦倦退之舊云三百尺澄觀

所營今已換

續退之澄觀詩火燒水轉掃地空突兀便高三百尺又云借問經營本何人道人澄

觀名不嫌俗士汙丹梯一看雲山遠淮甸

次公北山移文云請回俗

士駕杜詩著處覓丹梯

北寺悟空禪師塔

名齊安宣宗微時師知其非凡人無逸鹽官圖經安國寺在縣

西北六百五十步祥符元年改今額寺中有悟空塔塔前有古檜存焉

已將世界等微塵空裏浮花夢裏身

援華嚴經如日翳人見空中花子仁

圓覺經譬彼病目見空中花

豈為龍顏更分別

次公前漢高祖為人隆準而龍顏只

應天眼識天人

次公邯鄲淳見曹植曰真天人也

遊靈隱高峰塔

肅之武林山記北高峯在靈隱寺後山山有塔記云唐天寶中邑人

建高  
七級

言遊高峯塔蓐食治野裝

援韓信嘗寄食南昌亭亭長妻厭之乃晨炊蓐食

火

雲秋未衰

師杜詩火雲洗月露

及此初旦涼霧霏巖谷暗日出草

木香嘉我同來人久便雲水鄉相勸小舉足前路高且

長古松攀龍蛇怪石坐牛羊漸聞鐘磬音飛鳥皆下翔

入門空有無雲海浩茫茫惟見聾道人老病時絕糧問

年笑不答但指穴藜牀

厚管寧自越海歸家貧常晏坐一藜牀積五十餘年為學不倦

牀上當膝處皆穿

心知不復來欲歸更徬徨贈別留足布今歲

天早霜

題西林壁

子仁廬山記舊名西林興國中賜今額

橫看成嶺側成峯，遠近高低無一一作同，不識廬山真

面目，只緣身在此山中。

六和寺冲師開山溪為水軒

欲放清溪自在流

子仁杜詩江流大自在

忍教冰雪落沙洲，出山

定被江潮浣，能為山僧更少留。

道者院池上作

下馬逢佳客，攜壺傍小池。清風亂荷葉，細雨出魚兒。

厚杜詩細

兩魚兒出微風燕子斜

井好能冰齒，茶甘不上眉。歸塗更蕭瑟，

真箇解催詩。

厚杜詩片雲頭上黑應是雨催詩

### 吉祥寺僧求閣名

過眼榮枯電，與風久長。那得似花紅，上人宴坐觀空閣。  
觀色觀空色，即空

### 南寺千佛閣

古邑居民半海濤，師來構築便能高。千金用盡身無事，

次公李白詩千金散盡還復來

坐看香烟遠白毫

法惠寺橫翠閣

子仁杭州圖經法惠寺在天井巷吳越王錢氏建舊額興慶寺治平

二年改

賜今額

朝見吳山橫暮見吳山從吳山故多態轉側爲君容幽人起朱閣空洞更無物惟有千步岡東西作廉頗春來故國歸無期人言秋悲春更悲已汎平湖思濯錦更看橫翠憶峨眉

次公濯錦成都濯錦江也峨眉嘉州峨眉山也

雕欄能得幾時好

不獨憑欄人易老百年興廢更堪哀聽知草莽化池臺



遊人尋我舊遊處但覓吳山橫處來

壽星院寒碧軒

敬夫園經錢塘靈隱天竺寺內壽星院晉天福八年建其亭館有寒

碧軒

清風肅肅搖牕扉牕前脩竹一尺圍紛紛蒼雪落夏簟

冉冉綠霧沾人衣

援杜詩無使霜露沾人衣

日高山蟬抱葉響人靜

翠羽穿林飛道人絕粒對寒碧為問鶴骨何緣肥

西湖壽星院此君軒

卧聽謾謾碎龍鱗俯看蒼蒼立玉身一舸鷗夷江海去

續范蠡既破吳乃浮扁舟游江湖變姓名至齊號鴟夷子皮

尚餘君子六千人厚吳越相

攻越王勾踐以其私君子六千人為中軍

常州太平寺法華院薝蔔亭醉題

六花薝蔔林間佛九節菖蒲石上仙

續維摩經言如入薝蔔林中唯嗅薝

蔔不嗅餘香薝蔔扼子花也其花六出韓衆服菖蒲得仙須生石上一寸九節者

何似東坡鐵

拄杖一時驚散野狐禪

扶風天和寺

遠望若可愛朱欄碧瓦溝聊為一駐足且慰百回頭水

落見山石塵高昏市樓臨風莫長嘯遺涕浩難收

山光寺回次芝上人韻

關裏清游借隙光醉時真境發天藏夢回拾得吹來句  
十里南風草木香

元祐五年十二月十二日同景文義伯聖途次元  
伯固仲蒙游七寶寺題竹上

結根豈殊衆脩柯獨出林孤高不可恃歲晚霜風侵

題淨因壁

暝倚蒲團卧鉢囊半牕踈箔度微涼蕉心不展待時雨  
葵葉為誰傾夕陽

真興寺閣禱雨

太守親從千騎禱神翁遠借一盃清雲陰黯黯將噓遍  
雨意昏昏欲醞成已覺微風吹袂冷不堪殘日傍山明  
今年秋熟君知否應向江南飽食稔

陸蓮庵

何妨紅粉唱迎仙來伴山僧到處禪陸地生花安足怪

而今更有火中蓮

大老寺竹間閣子

殘花帶葉暗新筍出林香但見竹陰綠不知汧水黃樹  
高傾隴鳥池浚落河魴栽種良辛苦孤僧瘦欲飢

東坡詩集註卷二十三

欽定四庫全書

東坡詩集註卷二十四

宋 王十朋 撰

居室

和子由聞子瞻將如終南太平宮谿堂讀書

萬中翊

聖保德真君傳昔太宗皇帝遣起居舍人王龜從就終南山下築宮真君忽降言曰此地乃建上帝宮闕之地不可易也於是乃定凡三年宮成題曰上清太平宮

役名則已勤徇身則已媮我誠愚且拙身名兩無謀始

者學書判

師唐有書判拔萃科

近亦知問囚但知今當為敢問向

所由士方其未得惟以不得憂既得又憂失此心浩難

收譬如倦行客中路逢清流塵埃雖未脫暫憇得一漱

我欲走南澗春禽始嚶吻鞅掌久不決爾來已徂秋橋

山日月迫府縣煩差抽

次公史記黃帝堊橋山

王事誰敢愬民勞

吏宜羞中間罹旱暵欲學喚雨鳩千夫挽一木十步八

九休渭水涸無泥菑堰旋挿修

次公前漢溝洫志武帝歌曰隤林竹兮捷石菑

堯卿岐下歲以南山木棧自渭入河經砥柱之險多致淪沒衙前以是破產者相繼也先生徧問諸老校校曰



木機之害本不至此若渭河未漲操棧者一時進止可  
無重費蓋波患其乘渭河之漲多方害之耳先生即修  
衙規使衙前自擇水工機竹行無虞乃對之食不飽公

詩今也每餘事更遑求近日秋雨足公餘試新芻勛勞  
食不飽

幸已過朽鈍不任鏤秋風欲吹帽厚晉書九月九日桓  
溫譙于龍山風吹孟

嘉帽西阜可縱遊聊為一日樂慰此百日愁

遷居一首 并引

吾紹聖元年十月二日至惠州寓合江樓是月十八  
日遷於嘉祐寺二年三月十九日復遷于合江樓三

年四月十六日復歸于嘉祐寺時方卜築白鶴峯之  
上新居成庶幾其少安乎

前年家水東回首夕陽麗去年家水西濕面春雨細東  
西兩無擇緣盡我輒逝今年復東徙舊館聊一憩已買

白鶴峯規作終老計長江在北戶

厚杜詩七星在北戶河漢聲西流

雪浪

舞吾砌

次公杜牧詩弄水庭前溪風艷翠銷舞

青山滿牆頭髮鬢幾雲

髻

次公古陌上桑頭上倭墮髻韋蘇州詩髮鬢高鬟宮樣粧

雖慙抱朴子金鼎陋蟬

蛻

厚抱朴子按仙經云上士舉形昇虛謂之天仙中士遊於名山謂之地仙下士先死後蛻謂之尸解仙

猶賢柳州廟俎薦丹荔

續柳子厚為柳州刺史有廟在羅池韓退之為廟碑曰荔

子丹兮蕉葉黃離  
散疏兮進侯堂

吾生本無待俯仰了此世念念自成

劫塵塵各有際

次公佛以世為劫念念成劫言光景之速也道以世界為塵塵塵有際言物各

有世

下觀生物息相吹等蚊蚋

援莊子野馬也塵埃也生物之以息相吹也

白鶴峯新居欲成夜過西鄰翟秀才二首

明仲先生白鶴

故居圖翟氏林行婆  
居皆在新居之西

林行婆家初閉戶

厚傳燈錄浮盂和尚有林行婆來禮拜問師云盡力道不得底句還分付

阿瞿夫子舍尚留關連娟缺月黃昏後

厚退之秋懷詩寒難空在栖缺

月煩縹緲新居紫翠間

任杜詩築居仙縹緲

繫悶豈無羅帶水

韓退

之詩水作青羅帶山為碧玉簪

割愁還有劒芒山

柳子厚詩海上尖峯若劒芒秋來處處割

愁中原北望無歸日鄰火村春自往還

次公杜詩村春雨外急鄰火夜

明深

甕間畢卓防偷酒

續晉書畢卓為吏部郎比舍郎釀酒熟卓因夜至其甕間盜飲之為掌酒

者所縛旦視之乃畢吏部也

壁後匡衡不點燈

厚西京雜記匡衡好讀書家貧無油燭乃

鑿鄰壁映光讀書

待鑿平江百尺井

厚盧仝詩轆轤無繩井百尺渴心歸去生塵埃

要

分清暑一壺冰

厚鮑明遠詩清如玉壺冰邁先生白鶴山新居鑿井四十尺邁盤石石盡乃得

泉

佐卿恐是歸來鶴

援廣德神異錄天寶中玄宗獵於沙苑有孤鶴帝射之鶴中箭西南

而逝益州有道觀青城道士徐佐卿一歲常三四至一日自外至謂弟子曰吾行山中為飛矢所中以前掛于壁且曰後箭主到此付之後明皇幸蜀遊於觀中識其箭曰此吾沙苑所射鶴箭乃知是佐卿焉

次律

寧非過去僧

緇明皇雜錄開元中房琯宰盧氏與道士邢和璞出遊過夏口村入佛寺坐古松下

和璞使人鑿地得甕中所藏婁師德與永禪師書笑他謂琯曰頗憶此邪琯因悵然悟前生之為永禪師也

日莫尋王粲宅夢中來往本何曾

次公杜詩應同王粲宅留井峴山前

遷居之夕聞鄰舍兒誦書欣然而作

幽居亂蛙黽生理半人禽足然已可喜

續莊子逃空虛者聞人足音跂

然而況聞絃誦音兒聲自圓美誰家兩青衿厚詩青衿且

欣習齊味未敢笑越吟續史記莊舄越人也今日入楚富

貴矣必思於楚使人往九齡起韶石次公唐張九齡韶

聽之則且為越聲也有奏韶姜子家日南次公姜公輔有高才數奏詳吾道

之石無南北高傳燈錄第二十三祖問盧居士曰嶺南無安

知不生今海濶尚挂斗天高欲橫參荆棘短墻缺燈火

破屋深引書與相和置酒仍獨斟可以侑我醉琅然如

玉琴次公李白詩長作玉琴聲

玉琴次公李白詩長作玉琴聲

新居

朝陽入北林

厚古樂府朝日照北林

竹樹散疎影

子仁杜詩月林散清影

短

籬尋丈間寄我無窮境舊居纔一席逐客猶遭屏結茆

得茲地翳翳村巷永

厚陶淵明歸去來云景翳翳以將入

數朝風雨涼畦

菊發新穎

次公劉禹錫詩次公劉禹錫詩

俯仰可卒歲何必謀二頃

援

記蘇秦使我有負郭田二頃豈能佩六國相印乎

西齋

西齋深且明中有六尺牀

次公晉武賜賀循以六尺牀又賀革有六尺方牀思義未

達則橫  
卧其上

病夫朝睡足

彦夫杜牧之詩平生  
睡足處雲夢澤南州

危坐覺日長

昏昏既非醉踽踽亦非狂褰衣竹風下穆然中微涼

次公

宋王風賦  
其風中人

起行西園中草木含幽香榴花開一枝桑棗

沃以光

彦忠詩桑之未  
落其葉沃若

鳴鳩得美蔭

次公莊子有一蟬  
方得美蔭以忘其

身困立志飛翔黃鳥亦自喜新音變圓吭

次公謝靈運  
詩園柳變鳴

禽杖藜觀物化亦以觀我生

厚劉禹錫賦觀  
物之餘遂觀我生

萬物各

得時我生日皇皇

任淵明辭善萬物之  
得時感吾生之行休

南堂五首



江上西山半隱堤此邦臺館一時西南堂獨有西南向  
卧看千帆落淺溪

暮年眼力嗟猶在多病顛毛却未華

倬蔡邕賦  
華顛丈人

故作明

牕書小字更開幽室養丹砂

魯直先生與王定國書近  
有人惠丹砂少許光彩甚

奇固不敢服然其教以養火  
觀其變化聊以悅神度日

他時雨後困移牀

子仁韋蘇州詩那知  
風雨夜復此對牀眠

坐厭愁聲點客

腸

次公詩吳  
霜點歸鬢

一聽南堂新瓦響似聞東塢小荷香

山家為割千房蜜稚子新畦五畝蔬更有南堂堪著處

不憂門外故人車

掃地燒香開閣眠

曹國史補韋應物性高潔鮮簞紋似食寡慾所在焚香掃地而坐

水帳如烟

厚李白詩碧紗如烟隔窓語

客來夢覺知何處挂起西

窓浪接天

溪陰堂

白水滿時雙鷺下綠槐高處一蟬吟酒醒門外三竿日

次公南齊書永明五年十一月丁亥日出三竿失色劉禹錫竹枝詞日出三竿春霧消

卧看溪南

十畝陰

續杜詩飽聞檜木三年大與致溪邊十畝陰

谷林堂

深谷下窈窕高林合扶疎美哉新堂成及此秋風初我

來適過雨物至如娛予穉竹真可人霜節已專車

續家語孔

子曰昔禹致羣神於會稽之山防風氏後至禹殺而戮之其骨專車

老槐苦無賴

邵杜詩韋曲花

無賴風花欲填渠山鴉爭呼號谿蟬獨清虛寄懷勞生外  
得句幽夢餘古今正自同歲月何必書

寓居合江樓

海山蔥朧氣佳哉

續後漢光武論蘇伯阿望春陵郭曰氣佳哉鬱鬱蔥蔥然

二江合

處朱樓開蓬萊方丈應不遠

厚史記秦始皇時齊徐市等上書言海中有三神山

名蓬萊方丈瀛洲仙人居之請得齋戒與童男女求之

肯為蘇子浮江來江風初

涼睡正美樓上啼鴉呼我起我今身世兩相違

厚樂天詩可憐

身與世從此兩相忘

西流白日東流水樓中老人日清新天上豈

有癡仙人

曾續仙傳侯道華好子史手不釋卷東或問之要此何為答曰天上無愚瞽仙人

山咫尺不歸去一杯付與羅浮春

予家釀酒名羅浮春

遷居臨臯亭

次公先生始至黃富居定惠院後自定惠遷臨臯本回車院故有全家占

江驛之句

我生天地間一蟻寄大磨區區欲右行不救風輪左

續晉

天文志周鼎家云天旁轉如推磨而左行日月右行隨天左轉故日月實東行而天牽之以西沒譬之於蟻行磨石之上磨左旋而蟻右去磨疾而蟻遲故不得不隨磨以左迴焉雖云走仁義未免遲

寒餓劍米有危炊

厚晉書桓玄在殷仲堪坐上共作危語玄曰矛頭漸米劍頭炊仲堪曰百

歲老翁攀枯枝有一參軍云盲人騎瞎馬半夜臨深池仲堪曰此太逼人蓋仲堪眇一目也鉞羶無

穩坐

援晉書愍懷太子傳舍人杜錫每以忠規勸太子修德進善遠於讒謗太子怒使人以鉞着錫常所

坐羶中而刺之

豈無佳山水借眼風雨過歸田不待老勇決凡

幾箇幸茲廢棄餘疲馬解鞍馱全家占江驛絕境天為

破次公退之詩

有云破天慳飢貧相乘除

次公退之詩無善名以聞無惡聲以揚名聲相乘除

得少失

未見可弔賀

續董仲舒曰弔者在門賀者在閭言憂則恐懼恐懼則福至賀者在

有餘

門弔者在閭言受福則驕奢驕奢則禍至次公蘇秦見齊王仰而慶俯而弔劉表云受弔不受賀師左傳可弔

而又

淡然無憂樂苦語不成些

次公宋玉招魂每句有這些字蓋楚人之聲也

### 東坡八首并序

余至黃二年日以困匱故人馬正卿哀余乏食為於郡中請故營地數十畝使得躬耕其中地既久荒為茨棘瓦礫之場而歲又大旱墾闢之勞筋力殆盡釋

未而歎乃作是詩自愍其勤庶幾來歲之入以忘其勞焉

廢壘無人顧頽垣滿蓬蒿

次公莊子妄鑿垣墻而殖蓬蒿

誰能損筋力

歲晚不償勞獨有孤旅人天窮無所逃端來拾瓦礫歲

旱土不膏

次公國語云土膏其動

崎嶇草棘中欲刮一寸毛

子敬博物

志地以草為毛

喟焉釋耒歎我廩何時高

續詩亦有高廩仕唐文粹釋耒而歎

荒田雖浪莽

白陶淵明詩浪莽林野娛

高庠各有適下濕種杭稌東

原時棗栗江南有蜀士

堯卿先生荅秦太虛書云所居對岸武昌山水佳絕有蜀人王

生在邑中往往為風濤所隔不能即歸

桑果已許乞好

則王生能為殺雞炊黍至數日不厭

竹不難栽但恐鞭橫逸

仲達談助竹根曰鞭仍須卜佳處規以安

我室

次公東方朔諫起上林書鄣錫之間號為土膏今規以為苑

家童燒枯草走報

暗井出一飽未敢期瓢飲已可必

自昔有微泉來從遠嶺背穿城過聚落流惡壯蓬艾

次公

左傳有汾澮以流其惡

去為柯氏陂十畝魚鰕會歲旱泉亦竭枯

萍粘破塊

次公風不鳴條而不破塊

昨夜南山雲雨到一犁外泣然

尋故瀆知我理荒蕪泥芹有宿根

子仁杜詩飯煮青泥坊底芹

一寸



嗟獨在雪芽何時動春鳩行可膾

蜀人貴芽膾  
雜鳩肉作之

種稻清明前樂事我能數毛空暗春澤鉞水聞好語人

以細雨為雨毛稻初生  
時農夫相語稻鉞水矣

分秧及初夏漸喜風葉舉月明

看露上一一珠垂縷秋來霜穗重顛倒相撐拄但聞畦

壠間蚱蜢如風雨

蜀中稻熟時蚱蜢羣飛田  
間如小蝗狀而不害稻

新春便入甌玉粒照筐筥

子仁左傳筐  
筥錡釜之器

我久食官倉紅

腐等泥土

次公漢書太倉之  
粟紅腐而不可食

行當知此味口腹已吾許

良農惜地力幸此十年荒桑柘未及成一麥庶可望投

種未踰月覆塊已蒼蒼農父告我言勿使苗葉昌君欲  
富餅餌要須縱牛羊再拜謝苦言得飽不敢忘

種棗期可剥

次公詩八月剥棗

種松期可斲

次公詩松栢九斲方斲是度

事

在十年外吾計亦已慤

次公史記十年之計樹之以木

十年何足道千

載如風電舊聞李衡奴

任三國志李衡每欲治家妻輒不聽後密遣人於武陵龍陽汎

洲上作宅種柑橘千樹死謂兒曰汝毋惡我治家故窮如是然吾州里有十頭木奴不責汝衣食歲得千足絹

亦可此策疑可學我有同舍郎官居在瀟岳

李公擇也遺我

三寸柑

次公杜詩三寸黃柑猶自青

照坐光卓犖百栽儻可致當及

春水渥想見竹籬間青黃垂屋角

潘子久不調沽酒江南村

子仁先生答秦太虛書云有潘生者作酒店樊口棹小舟

徑至店下村酒亦醱釀

郭生本將種

續漢書朱虛侯劉章侍高后宴為酒吏請曰臣將種也請

以軍法行酒

賣藥市西垣古生亦好事恐是押牙孫

厚古押牙富平

縣俠客也盜取奉陵宮女無雙以與王仙客為妻冤死者數人押牙亦自刎

家有十畝竹無

時容叩門我窮交舊絕三子獨見存從我於東坡勞餉

同一飧可憐杜拾遺事與朱阮論

杜詩梅熟許同朱老喫松高擬對阮生論

吾師卜子夏四海皆弟昆

馬生本窮士

思文志林云杞人馬正卿字夢得作太學正清苦有氣節學生既不喜博士亦忌之

余偶至其齋書杜子美秋風嘆一篇壁上初無意也正卿即日辭歸至今白首窮餓守節如故又曰馬夢得與僕同歲月生少僕八日是歲生者無富貴人而僕與夢得為窮之冠即吾二人而觀之當推夢得為首從

我二十年日夜望我貴求分買山錢

續戴符山人問襄陽節度使于顓求

買山錢顓與百萬又南史王秀之云吾山資已足豈可久留妨賢路

我今反累生借耕輟

茲田刮毛龜背上何時得成羶

次公龜背上刮羶毛諺語也

可憐馬

生癡至今夸我賢衆笑終不悔施一當獲千

次韻子由所居六詠

堂前種山丹

厚丘璿詩十年蹤跡滯南荒只見山丹與佛桑

錯落碼碯盤

次公唐書

裴行儉平都支遮旬獲碼碯盤廣二尺文采粲然軍吏持之趺跌盤碎行儉色不少吝杜詩內府殷紅碼碯盤

堂後種秋菊碎金收辟寒

厚酉陽雜俎魏明帝時昆明國貢辟寒鳥常吐金屑如粟

鑄之可以為器宮人爭以鳥所吐金為釵釧謂之辟寒金宮人相嘲弄曰不服辟寒金那得帝王心

草木

如有情慰此芳歲闌幽人正獨樂不知行路難

詩人固多感花發憶兩京

子仁杜詩春日春盤細生菜忽憶兩京梅發時

石榴

有正色

厚莊子四者孰知天下之正色哉

玉樹真虛名

次公揚雄甘泉賦玉樹青葱

粲粲秋菊花卓為霜中英萸盤照重几續藥兩鮮明

幽居有古意義井分西牆誰云三伏熱止須一杯涼先

生坐忍渴羣囂自披猖

次公北史王晞傳帝欲以晞為侍中晞曰人主恩私何由可保

萬一披猖求退無地

衆散徐酌飲逡巡味尤長

厚晉阮籍常羣行胃熱渴甚逆旅有

井衆人競趨之籍獨逡巡在後須飲者畢乃進

先生飯土塼

續韓子堯舜飯土塼啜土型

無物與劉义

援唐詩劉义持韓愈金數

斤去曰此諛墓中人得爾不若與劉君為壽

何以娛醉客時嗅砌下花井水

分西鄰竹陰借東家蕭然行脚僧一身寄天涯

致約先生

州與廣西憲曹司勳帖云某惟少子隨侍全是一行脚僧但喫些酒肉耳

東齋手種栢今復幾尺長知有桓司馬榛茆為遮藏

子仁

史記孔子世家孔子適宋與弟子習禮大樹下宋司馬桓魋欲殺孔子伐其樹孔子遂去近聞南臺

松新枝出餘僵年來此懷抱豈敢驚凡亡

厚韓子楚王與凡君坐少

焉楚王左右曰凡亡者三凡君曰凡之亡也不足以喪吾存夫凡之亡不足喪吾存則楚之存不足以存存由是觀之凡未始亡楚未始存

新居已覆瓦無復風雨憂

仲達揚子曰震風凌雨然後知厦屋之為忻懽也橙

栽與籠竹小詩亦可求

次公杜甫覓橙栽絕句飽聞橙木三年大與致溪邊十畝陰瓦

綿竹詩華軒鶴鶴他年到綿竹亭亭出縣高尚欲煩貳堂成詩橙林礙日吟風葉籠竹和烟滴露梢

師刺山出飛流

續漢書貳師將軍李廣利師行無水拔佩刀刺山飛泉湧出

應須鑿

百井兩綆載一牛

過黎君郊居

半園荒草沒佳蔬  
煮得占禾半是諸  
萬事思量都是  
錯不如還叩仲尼居

東坡詩集註卷二十四